



歷代史畧

貳

小字 8
1850
2





歷代史略卷之二目錄

中世史上

第一篇 秦

第一章 始皇之政

第二章 秦民離畔

第三章 沛公入關

第二篇 楚漢

第一章 項羽為霸王

第二章 楚漢分爭上

第三章 楚漢分爭下

第四章 漢滅楚

第三篇 前漢上

第一章 漢業初定

第二章 高祖諸政制朝儀與匈奴



和異姓王廢滅南越稱
臣陸賈著書大封宗室
之亂
第三章 高后當國及諸呂
第四章 文帝仁儉

第五章 景武抑損諸侯

第四篇 前漢中

第一章 武帝崇儒又信神仙

第二章 武帝窮兵拓疆
第三章 武帝暴政及晚年
悔改

第四章 霍光輔政附霍氏之敗

第五章 宣帝中興
第六章 漢威震絕域

第五篇 前漢下

第一章 元帝任宦者
第二章 政歸王氏

第三章 王莽敗滅

第六篇 後漢上

第一章 光武復漢
第二章 光武平羣雄附外夷叛

服
第三章 光武諸政

第四章 孝明孝章之治
第五章 漢威復震西北附羅

馬通漢

第七篇 後漢下

第一章 外戚擅權及宦官蠹國

第二章 東漢多清名之士

第三章 黨錮之禍
第四章 漢末大亂

第五章 曹操定中原 第六章 漢土三分

第八篇 三國

第一章 諸葛相蜀漢 附孫權稱帝

第二章 司馬氏世秉魏政 附吳之繼統及廢立魏人放達成俗

第三章 司馬氏滅蜀吳

第九篇 制度略

第一章 官制沿革 第二章 州郡牧守

第三章 爵封品秩 附印綬之制

附錄 秦漢三國世系諸帝在位年數及年號兩漢后家多破滅

歷代史略卷之二

第一篇 秦

第一章 始皇之政

夏后殷周之盛王畿不過千里其外為諸侯夷狄及秦王政兼六國禹跡所及始悉直隸於王家是時諸侯稱王已久王號不足以表至尊之義於是議尊號采三皇五帝之名更號曰皇帝命為制令為詔自稱曰朕追尊考莊襄王為太上皇制曰太古有號無諡死而以行為諡則是子議父臣議君也甚無謂自今以來除諡法朕為始皇帝後世以計數二世三世至於萬世傳之無窮是歲秦之二十六

年也

丞相王綰等言燕齊楚地遠不置王無以鎮之請立諸子
皇帝下其議廷尉李斯曰周武王所封子弟同姓甚眾後
屬疏遠相攻擊如仇讎今海內賴陛下神靈一統皆為郡
縣諸子功臣以公賦稅賞賜之甚足易制天下無異意則
安甯之術也置諸侯不便皇帝曰天下初定又復立國是
樹兵也而求其甯息豈不難哉廷尉議是以郡縣敷治北
帶治關內今陝西西安同州鳳翔及二十七郡隴西北地
上黨太原鴈門代郡雲中九原邯鄲鉅鹿上谷漁陽右北
平遼西遼東齊郡東郡碭郡薛郡瑯邪泗水三川潁川南
陽漢中帶置六郡巴郡蜀郡南郡後踰南嶺取南帶地置
長沙九江會稽

三郡

南海桂林象郡

凡三十六郡郡置守尉監收民間兵器聚之

咸陽

秦京今陝西西安府咸陽縣

銷以為鐘錄銅人徙諸郡豪富於咸

陽十二萬戶

二十八年皇帝東行郡縣封泰山禪梁父

山名在泰山南封禪者

祭天地而告成功也遂遊海上禮祠八神

天地兵陰陽日月四時所

至立石頌秦德以明得意初燕人宋無忌羨門子高之徒
稱有仙道形解銷化之術燕齊海上之人多傳之者號為
方士帝至海上方士徐市等上書請得齋戒與童男女求
神仙乃遣徐市發童男女數千人入海求之時人相傳周
鼎沒於泗水中帝南過彭城縣名屬泗水郡今江蘇徐州府治禱祠泗水

使千人沒水求之不得渡淮浮江至湘山在湖南長沙府湘陰縣北洞庭中湖祠逢大風問博士湘君何神對曰堯女舜妻帝大怒使刑徒伐樹赭其山

明年復東巡韓人張良以其父祖相韓五君祖開地相昭侯宣惠王襄

王父平相僖王桓惠王及韓亡欲為報仇帝至博浪沙在河南懷慶府陽武縣東南

中良使力士操鐵椎狙擊之誤中副車帝驚大索不得

帝好巡遊大治馳道東窮燕齊南極吳楚道廣十餘丈又

使蒙恬發兵三十萬人北伐匈奴收河南地謂北河之南今內蒙古鄂爾多

爾多增築長城起臨洮縣名屬隴西郡今甘肅鞏昌府岷州達于遼東郡名今盛

京奉天府南境及錦州府西境踰山跨谷延袤七百餘里號萬里城城壁

高厚各二丈許每三十丈設堡寨置戍兵又略取南越以

謫徙民五十萬人戍五嶺大庾騎田都龍萌渚越城皆南嶺之諸嶠也秦威振

胡越

帝以為咸陽人多先王宮庭小乃營朝宮渭南上林苑在

安府城西北先作前殿阿房東西五百步南北四十丈上可坐

萬人下可建四丈旗周馳為閣道自殿下直抵南山表山

巔以為闕為複道自阿房渡渭屬之咸陽刑徒七十餘萬

人分作諸宮關中計宮三百關外四百餘立石東海上以

為秦東門令咸陽之旁二十里內宮觀複道相連帷帳鐘

鼓美人充之帝所居宮不使人知有言其處者罪死羣臣

受事者悉於咸陽宮

三十四年丞相李斯上書曰異時諸侯並爭厚招遊學今天下已定法令出一百姓當家則力農工士則學習法令今諸生不師今而學古聞令下則各以其學議之誇主以爲名異趣以爲高率羣下以造謗如此不禁則主勢降乎上黨與成乎下禁之便臣請史官非秦記皆燒之非博士官所職天下有藏詩書百家語者皆詣守尉雜燒之有敢偶語詩書者棄市以古非今者族所不去者醫藥卜筮種樹之書若有欲學法令者以吏爲師制曰可

帝召文學方術士甚眾欲以興太平鍊求仙藥有二生相

與譏帝因亡去帝大怒使御史案問諸生犯禁者四百六十餘人皆坑之長子扶蘇諫曰諸生皆誦法孔子今皆重法繩之臣恐天下不安帝大怒使扶蘇北監蒙恬軍於上郡郡名今陝西鄜州以北地帝爲人剛戾自用國事無大小皆決於己至以衡石量書日夜有程不得休息

第二章 秦民離畔

秦自孝公以來世以刑法御下惟務殘刻不施仁義國民雖懾其威而不心服始皇重之以驕暴內事土木外威四夷賦斂愈重戍徭無已禍亂之機已隱伏於中三十六年東郡郡名今直隸大名府山東東昌府及臨清州有隕石民或刻其石曰始皇

帝死而地分始皇遣御史逐問莫服盡誅石傍居人燔其石
 明年始皇出遊少子胡亥丞相李斯從途得病而崩李斯
 祕不發喪宦者趙高與斯謀詐為受詔立胡亥為太子遣
 使賜扶蘇蒙恬死至咸陽發喪胡亥襲位是為二世皇帝
 二世皇帝元年楚隱王陳勝趙王武臣齊王田儋燕王韓廣魏王咎元年帝東行郡縣
 還謂趙高曰吾欲悉耳目之好窮心志之樂以終吾年壽
 可乎高曰此賢主之所能行也陛下嚴法刻刑盡除故臣
 更置所親信則高枕肆志矣帝然之更為法律務益刻深
 諸公子大臣多戮死

楚人陳勝吳廣將戍漁陽郡名今直隸順天府東境率眾作亂于蕪縣名

屬泗水郡故城在安徽鳳陽府宿州南詐稱公子扶蘇楚將項燕號大楚取

陳春秋陳都秦置縣屬潁川郡今河南陳州府治據之魏名士張耳陳餘屬之諸

郡縣爭殺長吏以應勝自立為楚王使吳廣監諸將以

擊滎陽縣名屬三川郡今河南開封府滎澤縣或以反者聞於二世帝怒下

之吏召諸儒問之叔孫通曰羣盜鼠竊狗偷何足憂也帝

喜以通為博士通因亡去陳王以所善陳人武臣為將軍

張耳陳餘為校尉使徇趙地又使周市徇魏地使周文西

擊秦二世大驚遣章邯拒之走周文武臣至趙自立為趙

王使韓廣略燕地廣亦自立為燕王

會稽郡名今江浙兩省守殷通欲起兵應陳勝以項燕之

子梁為將梁使兄子籍斬通佩其印綬舉吳

春秋吳都秦置縣為會稽

郡治今江蘇蘇州府治

中兵得八千人籍字羽少時學書不成去學

劍又不成梁怒籍曰書足以記姓名而已劍一人敵不足

學學萬人敵梁乃教籍兵法略知其意又不肯竟學籍身

長有力才器過人至是梁為會稽守籍為裨將徇下縣

沛縣名屬泗水郡今屬江蘇徐州府

人劉邦豁達有大度不事家人產業

沛中子弟多欲附者沛令欲以沛應陳勝縣吏蕭何曹參

勸令召劉邦邦已有眾數十百人令悔閉城沛父老率子

弟殺令迎邦立為沛公蕭曹等為收眾得三千人以應諸

侯後張良來屬數說邦以太公望兵法邦善之常用其策

良與他人言輒不省良曰沛公殆天授遂從不去

齊人田儻故齊王族也與從弟榮橫皆豪健能得人儻自

立為齊王略定齊地楚將周市定魏地迎魏公子咎於陳

立為魏王二世二年

楚懷王心趙王歇齊王田市魏王豹韓王成元年燕二年

章邯連

敗楚軍周文走死吳廣陳王皆為其下所殺趙將李良殺

武臣以降秦張耳陳餘求故趙之後得趙歇立為趙王

項梁渡江而西黥布劉邦以其兵屬之居巢

縣名屬九江郡今安徽廬

州府

人范增年七十好奇計往說梁曰陳勝首事不立楚

謂大江東南之地

楚蜂起之將

後而自立其勢不長今君起江東

得楚懷王孫心於民間立為楚王取祖諡為號謂之懷王
都盱眙縣名屬九江郡今屬安徽泗州張良勸梁立韓後梁使良立韓公
子成為韓王西略韓地章邯伐魏齊楚救之齊王田儋魏
王咎周市皆敗死田榮立儋子市為齊王而相之

二世數讓李斯如何令盜如此斯恐懼乃阿帝意教以嚴
行督責稅民深者為明吏殺人眾者為忠臣刑者相半於
道而死人日積於市秦民益駭懼思亂趙高說帝曰天子
所以貴者以羣臣莫得見其面也帝乃不坐朝廷事皆決
於高高與李斯有隙譖曰丞相長男李由為三川郡名今河南河
南開封懷慶衛輝四府及陝州汝州守與楚盜通且丞相居外權重於陛下

斯上書言高罪帝下斯吏具五刑腰斬咸陽市夷三族高
以中人為丞相稱中丞相

項梁再破秦軍有驕色宋義諫不聽與章邯戰敗死懷王
徙都彭城立魏咎弟豹為魏王秦軍破趙圍趙王于鉅鹿

縣名鉅鹿郡治今直隸順德府平鄉縣懷王以宋義為上將項羽為次將以

救趙二世三年楚趙齊魏韓二年燕三年義至安陽縣名屬碭郡故城在山東曹州府曹

縣不進羽斬之領其兵渡河沈船破釜甑燒廬舍持三日
糧以示士卒必死大破秦軍鉅鹿下虜其將王離王翦孫是

時諸侯軍救趙者十餘壁莫敢縱兵諸將皆自壁上觀楚
戰士無不一以當十呼聲動天地諸侯軍皆惴恐羽由是

爲諸侯上將軍章邯等以其軍降羽

第三章 沛公入關

初楚懷王與諸將約先入定關中者王之當時秦兵強諸將莫利先入關獨項羽怨秦殺項梁奮願入關諸老將皆曰羽爲人慄悍猾賊獨沛公寬大長者可遣王乃遣劉邦伐秦

邦過高陽

里名在河南開封府杞縣西

高陽有老儒酈食其知邦騎士

謂之曰吾聞沛公慢而易人多大略此真吾所願從遊騎士曰沛公不好儒客冠儒冠來者輒解其冠溲溺其中未可以儒生說也酈生令騎士入言之邦召生於傳舍生入

邦方踞床使兩女子洗足而見生生長揖不拜曰足下必

欲誅無道秦不宜踞見長者邦輟洗起攝衣延生上坐問

計生爲邦說下陳留

縣名屬三川郡今屬開封府

後常爲說客張良以

韓兵從邦略南陽

郡名今河南南陽府及湖北襄陽府北境

引兵而西

秦中丞相趙高欲專權恐羣臣不聽乃持鹿獻於二世曰

馬也二世笑曰丞相誤邪謂鹿爲馬問左右或默或言高

陰中諸言鹿者以法羣臣皆畏高前數言關東盜無能爲

既而秦兵數敗劉邦攻屠武關

在陝西商州東

高恐誅使人弑二

世立二世兄子子嬰爲秦王不復稱皇帝子嬰既立刺殺

高夷三族

劉邦敗秦軍嶢關

在陝西西安府藍田縣東南

明年

秦王子嬰元年楚趙齊魏韓三年燕

四年西楚霸王項籍漢

至霸上

霸水名在西安府城東霸上今名白鹿原

秦王子嬰素車白馬繫頸以組封皇帝璽降軹道旁秦亡秦自

惠文以來稱王百有三年為皇帝止二世十有五年子嬰

為王四十六日而降諸將或言誅子嬰邦曰懷王遣我固

以能寬容且人已降殺之不祥乃以屬吏

邦西入咸陽見秦宮室帷帳重寶婦女欲留居之樊噲諫

曰此皆秦所亡也願急還霸上無留宮中邦不聽張良曰

為天下除殘賊宜縞素為資今始入秦即安其樂此所謂

助桀為虐願聽噲言邦乃還霸上悉召諸縣父老豪傑謂

曰父老苦秦苛法久矣吾與諸侯約先入關中者王之吾

當王關中與父老約法三章耳殺人者死傷人及盜抵罪

餘悉除去秦法諸吏民皆安堵如故秦人大喜

史記卷之二十一

卷二十一

第二篇 楚漢

第一章 項羽為霸王

項羽已定河北率諸侯兵欲西入關計秦降卒不服至關

必危夜擊坑二十萬人新安故城在河南城南行至函谷

關在河南陝州靈寶縣南劉邦遣兵守關羽大怒攻破之進軍鴻門

道名在西安府臨潼縣期旦日擊邦范增曰沛公居山東謂大行及嶺函之東

貪財好色今入關財物無所取婦女無所幸此其志不在

小急擊勿失

羽伯父項纏素善張良夜馳往告良欲與俱去良要纏入

見邦邦奉卮酒為壽曰吾入關秋毫不敢有所近籍吏民

封府庫而待將軍所以守關者備他盜也豈敢反乎願伯具言臣之不敢背德纏許諾曰且日不可不早自來謝纏去具以告羽且言人有大功擊之不義不如因善遇之羽許諾且日邦從百餘騎至鴻門見羽謝羽留邦與飲范增數目羽舉所佩玉玦者三羽不應增出使項莊入前爲壽請以劍舞因擊邦於坐項纏亦拔劍起舞常以身翼蔽邦莊不得擊張良出告樊噲以事急噲帶劍擁盾直入瞋目視羽頭髮上指目眦盡張羽曰壯士賜卮酒生彘肩噲立飲拔劍切肉食盡之羽曰壯士能復飲乎噲曰臣死且不避卮酒安足辭夫秦有虎狼之心天下皆叛今沛公先

破秦入咸陽勞苦功高而將軍欲誅之此亡秦之續耳竊爲將軍不取也羽無以應命之坐須臾邦起如廁因招噲出閒行趨霸上令張良留謝持白璧一雙獻羽玉斗一雙奉亞父亞父者范增也增置玉斗地拔劍撞破之曰唉豎子不足與謀奪將軍天下者必沛公也

居數日羽引兵西屠咸陽殺降王子嬰掘始皇帝冢燒秦宮室火三月不滅收寶貨婦女而東秦民大失望韓生說羽曰關中地肥饒而四塞可都以霸羽見秦殘破又思東歸曰富貴不歸故鄉如衣繡夜行耳韓生退曰人言楚人沐猴而冠果然羽聞之烹韓生

羽使人致命懷王王曰如約羽怒曰懷王吾家所立耳非

有功伐何得專主約乃陽尊為義帝徙江南都彬縣名屬

今湖南羽自立為西楚霸王時人名郢為南楚吳為東楚

號西王梁楚地戰國末魏楚之地今江蘇省及山都彭城

立劉邦為漢王王巴郡名今四川重慶順慶蜀郡名今四

川二漢中郡名今陝西漢中興安都南鄭府治而三分

關中王秦降將三人章邯為雍王司馬欣以距塞漢路徙

趙魏燕齊故王趙王歇為代王魏王豹為西魏王燕王更

立諸將九人為王楚將黥布為九江王番君吳芮為衡山

印為殷王趙相張耳為常山王張耳嬖臣申陽為河南王

燕將臧荼為燕王齊將田都為齊王故齊王建孫田安為

濟北漢王怒欲攻羽蕭何曰大王王漢中養民致賢人收

用巴蜀還定三秦秦三將所封咸陽以西為雍天下可圖

也王乃就國以何為丞相遣張良返韓項王以韓王成無

功廢而殺之良閒行歸漢良多病未嘗特將常為畫策臣

後項王使人擊殺義帝於江中

第二章 楚漢分爭上

淮陰縣名屬九江郡今江人韓信家貧無行常從人寄食

人多厭之及項梁渡淮信從之又屢以策干羽不用亡歸

漢漢王亦未之奇也信數與蕭何語何奇之漢王至南鄭

將士皆歌謳思東歸多道亡者信度何已數言王王不我

用卽亡去何自追之人言丞相何亡王怒如失左右手何來謁王罵曰若亡何也何曰臣不敢亡追亡者耳曰誰曰韓信也王復罵曰諸將亡者以十數公無所追信詐也何曰諸將易得耳如信國士無雙王欲長王漢中無所事信必欲爭天下非信無可與計事者王能用信信卽留不然終亡耳王曰吾爲公以爲將何曰不留王曰以爲大將何曰幸甚王欲召信何曰王素慢無禮拜大將如呼小兒此信所以去也於是擇日齋戒設壇場具禮諸將皆喜以爲得大將及拜乃韓信也一軍皆驚漢王用信計部署諸將留蕭何收巴蜀租給軍糧食引兵出略三秦

項王已王諸將而田榮陳餘不得王皆怒榮發兵擊并三

齊及膠東濟北

自立爲齊王時彭越擁眾在梁地無所屬榮使

越擊楚大破其軍張良遺項王書曰漢王欲得關中如約卽止不敢東又以齊梁反書遺之項王以故無西意而北

伐齊楚漢之二年陳餘與齊兵襲常山

故趙地今直隸正定順德廣平三府

王張耳耳敗走漢趙王歇立餘爲代

今直隸宣化府蔚州及山西北境

餘留傅趙王而使夏說守代項王前立鄭昌爲韓王以距漢漢王遣韓公孫信略韓地信急擊降昌漢立信爲韓王項王破齊齊王榮走死項王坑其降卒所過多殘滅齊民

聚叛

漢王渡河西魏

今山西南境

王豹降之虜殷

殷紂故國今河南北境

王司

馬邛初陽武

縣名屬三川郡今屬河南懷慶府

人陳平家貧好讀書事魏

王咎不用去事項羽得罪亡歸漢因魏無知求見漢王王

與語悅之拜為都尉典護軍平受諸將金周勃灌嬰等言

之於王王召讓無知無知曰臣所言者能也王所問者行

也今有尾生孝已之行無益勝負之數王何暇用之乎王

又讓平平曰臣裸身來不受金無以為資誠臣計有可采

願王用之使無可用者金具在請封輸官得請骸骨王乃

謝厚賜之拜護軍中尉盡護諸將

漢王至洛陽

周王城下都秦三川郡治故城在河南府城東北

新城鄉名在河南府城南

老董公遮說曰順德者昌逆德者亡兵出無名事故不成

項羽無道放殺其主天下之賊也大王宜率三軍之眾為

之素服以告諸侯而伐之則四海之內莫不仰德此三王

之舉也於是漢王為義帝發喪哀臨三日發使告諸侯請

與討項羽

田榮弟橫立榮子廣為齊王以拒楚項王留連戰漢王率

五諸侯

河南王申陽韓王鄭昌魏王豹殷王司馬卬代王陳餘

兵五十六萬伐楚拜

彭越為魏相國略定梁地漢王入彭城收其貨寶美人日

置酒高會項王聞之自以精兵三萬還擊大破漢軍漢軍

入穀泗睢水死者二十餘萬人水為之不流圍漢王三市

會大風晝晦漢王乃與數十騎遯去漢王家室在沛父母
妻子為楚軍所獲後常置軍中為質諸侯背漢復與楚漢
王至滎陽諸敗軍皆會焉蕭何亦發關中老弱悉詣滎陽
漢軍復振何守關中為法令約束立宗廟社稷事以便宜
施行計關中戶口轉漕調兵未嘗乏絕

第三章 楚漢分爭下

魏王豹叛漢韓信擊虜之定西魏地信請兵三萬人願以
北舉燕趙東擊齊南絕楚糧道漢王許之遣張耳與俱破
代兵擒夏說楚漢三年信耳擊趙趙聚兵井陘口道名在直隸正
定府井陘縣東號二十萬李左車說陳餘曰井陘道極險狹願假

臣奇兵從間路絕敵輜重足下深溝高壘勿與戰彼前不
得鬪退不得還野無所掠不十日而兩將之頭可致麾下
陳餘不從韓信謀知之乃敢下用奇計大破趙軍斬陳餘
擒趙王歇募生得李左車解縛師事之用其策遣辯士奉
書於燕燕從風而靡

漢隨何說九江

國跨安徽江西

王黥布畔楚楚攻之布閒行歸漢

漢王方踞床洗足召布入見布悔怒欲自殺乃出就舍帳
御食飲從官皆如漢王居布大喜過望後封為淮南即九
王

酈食其勸漢王立六國後王曰趣刻印張良來謁王方食

具以告良良曰天下遊士離親戚棄墳墓從大王遊者徒望咫尺之地今復立六國後遊士各歸事其主大王誰與取天下乎且夫楚唯無強六國撓而從之大王焉得臣之乎誠用客謀大事去矣漢王輟食吐哺罵曰豎儒幾敗乃公事令趣銷印

陳平曰項王骨體之臣亞父輩數人耳行閒以疑其心破楚必矣漢王與平黃金四萬斤不問其出入平多縱反閒楚圍漢王於滎陽急漢王請和范增欲急攻下之項王疑增不聽增怒請骸骨歸疽發背而死紀信誑楚自稱漢王出降王因得遜去項王燒殺紀信

漢王軍成皋

縣名今河南開封府汜水縣

項王拔滎陽遂取成皋漢王

逃北渡河入趙壁奪張耳韓信軍令耳守趙後封為趙王使信收趙兵未發者擊齊酈食其為漢往說齊王田廣下之蒯徹說韓信曰將軍擊齊而漢發閒使下之甯有詔止將軍乎且酈生伏軾掉三寸舌下七十餘城將軍為將數歲反不如一豎儒之功乎信遂渡河楚漢四年襲破齊齊王烹酈生而走

漢王復取成皋就敖倉食與楚皆軍廣武

山名在開封府滎澤縣西楚

食少項王患之乃為高俎置漢王父太公其上告漢王曰不急下吾烹太公漢王曰吾與若俱北面受命懷王約為

兄弟吾翁卽汝翁必欲烹汝翁幸分我一杯羹楚漢久相持不決項王欲與漢王獨身決戰漢王曰吾甯鬪智不鬪力因數羽十罪項王大怒伏弩射漢王傷胸

第四章 漢滅楚

楚使龍且救齊龍且曰韓信易與耳寄食於漂母無資身之策受辱於胯下無兼人之勇進與信夾濰水而軍信夜使人囊沙壅水上流旦渡擊且佯敗還走且追之信使決水且軍大半不得渡信急擊殺且虜齊王廣田橫自立爲齊王戰敗走梁

信遣使請爲假王以鎮齊漢王怒罵之張良陳平躡王足

附耳語王悟復罵曰大丈夫定諸侯卽爲眞王耳何以假爲立信爲齊王徵其兵擊楚項王使人說信欲與連和三分中國信謝曰漢王授我上將軍印言聽計用我倍之不祥雖死不易蒯徹亦切勸自立信猶豫遂謝徹

項王少助食乏信又進兵擊楚楚患之乃與漢約二分中

國鴻溝今名汴河在開封府中牟縣

以西爲漢以東爲楚歸漢王父母

妻子解而東歸漢王欲西歸張良陳平曰漢有天下大半楚兵飢疲今釋不擊此養虎自遣患也王從之

楚漢五年漢王追項王至固陵

楚地在河南陳州府太康縣西齊王信魏

相國越期會不至張良勸王以梁楚地許兩人兩人皆引

兵來淮南王黥布亦會焉項王至垓下

楚地在安徽鳳陽府靈璧縣南兵

少食盡戰敗入壁漢圍之數重項王夜聞漢軍四面楚歌

大驚曰漢皆已得楚乎何楚人多也起飲帳中悲歌慷慨

左右皆泣莫能仰視夜從八百騎潰圍南走渡淮迷失道

漢追及之至東城

縣名故城在鳳陽府定遠縣東南

騎能屬者二十八人

項王謂之曰吾起兵八歲七十餘戰未嘗敗北今卒困於

此此天亡我非戰之罪也今日固決死願為諸君決戰乃

馳潰圍殺數十百人至烏江

大江津名在安徽和州城東北

烏江亭長艤

船待曰江東雖小亦足王也願大王急渡王笑曰籍與江

東子弟八千人渡江而西今無一人還縱江東父老憐而

王我我何面目見之下馬步戰自刎而死漢王以魯公禮

葬羽哭之而去馳入韓信壁奪其軍分項氏地為梁

今山東西

境及河南東境楚

今江蘇省及二國更立信為楚王彭越為梁王

諸侯王尊漢王為皇帝是為漢高祖更王后曰皇后王太

子曰皇太子都洛陽兵皆罷歸家

第三篇 前漢上

第一章 漢業初定

高祖置酒洛陽南宮問羣臣曰吾所以得天下者何項氏所以失天下者何高起王陵對曰陛下使人攻城略地因以予之與天下同其利項羽不然有功者害之賢者疑之戰勝而不予人功得地而不予人利高祖曰公知其一未知其二夫運籌帷幄之中決勝千里之外吾不如子房鎮國家撫百姓給餽餉不絕糧道吾不如蕭何連百萬之眾戰必勝攻必取吾不如韓信此三人者皆人傑也吾能用之此吾所以取天下也項羽有一范增而不能用此其所

以爲我禽也子房者張良字也

初韓信破齊齊相田橫走博陽

縣名屬齊郡今山東泰安府泰安縣

自立爲

齊王軍敗亡歸彭越及漢滅楚橫懼誅與其徒五百人入海居島中帝召之曰橫來大者王小者侯不來且舉兵加誅橫與二客乘傳至洛陽城東自剄帝以王禮葬橫二客自剄從之島中五百人聞之皆自殺

初季布爲項羽將屢窘帝羽滅帝購求布敢有舍匿罪三族魯俠士朱家匿之之洛陽見夏侯嬰曰季布何罪臣各爲其主耳且以布之賢漢求之急不北走胡南走越耳嬰言於帝乃赦布召拜郎中布母弟丁公亦嘗窘帝帝急顧

曰兩賢豈相厄哉丁公乃還至是謁見帝以徇軍中曰丁公爲臣不忠使項王失天下遂斬之

齊人婁敬說帝曰洛陽天下之中有德則易以興無德則易以亡秦地被山帶河四塞以爲固卒然有急百萬之眾可立具此扼天下之吭而拊其背也帝問羣臣羣臣皆山東人爭言洛陽之利張良獨是敬說帝即日西徙關中賜敬姓劉氏後定都長安

周鎬京今陝西西安府治

漢既滅楚臨江

春秋楚國今湖北荊州府

王共驩不降漢遣劉賈盧綰

擊虜之燕王臧荼反帝自將擊虜之以盧綰爲燕王漢之六年人有上書告楚王信反諸將曰發兵坑豎子耳帝問

陳平平危之曰古有巡狩會諸侯陛下第出偽遊雲夢湖北

大澤會諸侯於陳因擒之此一力士之事耳帝從之信來

謁帝令武士縛之信曰果如人言狡兔死走狗烹高鳥盡

良弓藏敵國破謀臣亡天下已定我固當烹遂械繫以歸

赦為淮陰侯

後帝從容與信言諸將能將兵多少帝曰如我能將幾何

信曰陛下不過能將十萬帝曰君如何信曰臣多多益善

帝笑曰多多益善何為為我禽信曰陛下不能將兵而能

將將且陛下所謂天授非人力也

帝剖符封諸功臣鄧縣名屬南陽郡故城在湖北襄陽府光化縣東北侯蕭何食

邑獨多功臣皆曰臣等被堅執銳多者百餘戰少者數十

合蕭何未嘗有汗馬之勞徒持文墨議論反居臣等上何

也帝曰諸君知獵乎追殺獸者狗也發縱指示者人也今

諸君功狗也如蕭何功人也

張良亦無戰功帝使自擇齊三萬戶良曰臣始與上會於

留縣名屬沛郡故城在江蘇徐州府沛縣東南願封留足矣封為留侯留侯素

多病杜門導引不食穀曰家世相韓及韓滅為韓報讎今

以三寸舌為帝者師封萬戶侯此布衣之極願棄人間事

從赤松子遊耳赤松子者時人所傳仙人號也留侯蓋自

託於神仙以避盛滿之禍

帝已封大功臣二十餘人餘爭功不決諸將畏不得封往
往相聚語留侯勸帝先封雍齒齒者帝平生所憎也諸將
皆喜曰雍齒且侯我屬無患矣帝急趣丞相御史定功行
封詔定元功十八人位次蕭何第一曹參次之賜何劍履
上殿入朝不趨是歲尊父太公為太上皇

第二章

高祖諸政

制朝儀與匈奴和異姓王廢滅南越稱臣陸賈著書大封

宗室

高祖去秦苛儀為簡易羣臣飲酒爭功或妄呼拔劍擊柱
博士叔孫通說帝曰儒者難與進取可與守成願徵魯諸
生共起朝儀帝從之七年長樂宮成諸侯羣臣朝賀謁者

治禮引諸侯王以下以次奉賀莫不震恐肅敬禮畢置法
酒御史執法舉不如儀者輒引去莫敢喧嘩失禮者帝曰
吾乃今日知為皇帝之貴也拜通太常

初匈奴畏秦北徙及中國亂復稍南渡河胡言稱其君曰
單于猶漢言天子也諸王侯隸屬之疆土極廣頭曼單于
有太子曰冒頓壯武有權數射殺頭曼自立為單于滅東

胡走月氏復蒙恬所奪故地高祖徙韓王信於太原郡名今山
西太原汾州二府以備禦之匈奴圍信於馬邑縣名屬鴈
門郡時為信降匈奴於是帝自將擊信破其軍匈奴

佯敗走漢悉兵逐之帝先至平城縣名屬鴈門郡故城在山西大同府城東兵

未盡到冒頓縱精兵四十萬騎圍帝於白登

山名在大同府城東七

日帝用陳平計使厚遺闕氏冒頓解圍去闕氏者單于之妻猶漢言后妃也帝還過趙趙王張敖景王耳之子也尙帝女執子壻禮甚卑帝慢罵之趙相貫高等怒陰謀殺帝事覺敖坐廢爲侯韓王信後爲漢將所斬

匈奴數擊漢九年帝遣劉敬往結和親名宮人爲公主以妻單于約爲兄弟歲遺繒絮酒米食物各有數敬又說帝徙齊楚大族豪傑十餘萬口以實關中

十年趙

高祖庶子隱王如意所封

相國陳豨反帝自將擊之明年淮陰

侯信舍人弟上變告信與豨通謀皇后呂氏與相國何謀

詐言豨已敗死給信入賀使武士縛信斬之信曰吾悔不用蒯徹之計乃爲兒女子所詐遂夷三族帝敗豨還詔捕蒯徹徹至曰跽之狗吠堯堯非不仁狗固吠非其主當時臣唯知韓信非知陛下也帝釋之陳豨後爲樊噲所擊斬梁王彭越太僕得罪走漢告越謀反帝使人掩越捕之廢爲庶人呂后曰此自遺患勸帝殺之夷三族醢越肉以賜諸侯淮南王黥布見漢殺韓信醢彭越自疑禍及身遂反帝自將擊之十二年布敗走長沙

今湖南之東半

王吳臣誘殺之

燕王盧綰陰與陳豨通謀帝召之不至遂亡入匈奴

秦平南越置南海

今廣西省桂林東境

象郡

今廣東廉州雷州二府及安南

國秦亂南海尉趙佗擊并桂林象郡自立為南越王高祖遣陸賈往說佗令稱臣奉漢約漢之威令始達南海矣賈歸報拜大中大夫

賈時時前說詩書帝罵曰乃公馬上得天下安事詩書賈曰陛下馬上得之甯可以馬上治之乎文武並用長久之術也嚮使秦已并天下行仁義法先聖陛下安得有之帝曰試為我著古今成敗得失陸生著書十二篇每奏一篇帝稱善號曰新語

秦之亂也齊楚三晉舊族復起然皆不數年而敗亡漢所立之王唯韓王信出於王族其外六國趙景王張耳楚王韓信梁王彭越淮

南王黥布長沙文王吳芮燕王盧綰與漢皆自庶姓崛起於是周末世家之

餘澤莫復存者高祖懲秦無藩輔孤立而亡封子弟同姓

為王約曰非劉氏不得王是後諸皇子悉封王其異姓王

或誅或廢六七年間皆絕滅唯長沙吳氏以國小而忠得

久存帝之末年劉氏王者九國齊悼惠王肥楚元王交趙

友代王恆淮南厲王長吳王濞燕靈王建除吳楚外七王皆高祖庶子也皆置百官宮觀同制

京師其最大者為齊代吳楚齊今山東濟南泰安青州萊州登州五府悼惠

王肥及代今山西汾州府以北王恆皆帝之庶子也吳今江蘇淮水以南安徽大

江以南及浙江西二省王濞帝之兄子也楚今江蘇徐州府及海州山東兗州沂州二府

元王交帝之弟也四王皆有數郡之地列峙東北為漢大

臣所畏憚漢所有唯十五郡內史隴西北地上郡雲中河南郡蜀郡而公主列侯頗食邑其中舉全國租賦入漢朝者蓋不過三之一故漢初之政雖多襲秦故其立藩國則倣周制而封疆較大於周之公侯

第三章 高后當國及諸呂之亂

戚姬有寵於高祖生趙隱王如意呂后見疏太子盈后所生也爲人仁弱帝謂如意類己欲廢太子而立之以大臣不服乃止帝擊黥布時中流矢疾甚呂后問陛下百歲後蕭相國死誰可代之曰曹參問其次曰王陵然少戇陳平可以助之平智有餘然難獨任周勃重厚少文可使爲太

尉安劉氏者必勃也帝在位十二年崩號曰高皇帝太子盈卽位是爲孝惠皇帝尊皇后曰皇太后

孝惠帝元年太后鳩殺趙隱王斷戚夫人手足去眼熏耳飲瘖藥命曰人彘召帝觀之帝驚大哭因病歲餘不能起二年相國何卒曹參代之參嘗師蓋公治黃老之術爲相三年無所變更一遵何約束百姓歌之曰蕭何爲法較如畫一曹參代之守而無失載其清淨民以甯一參卒王陵爲右丞相陳平爲左丞相周勃爲太尉

惠帝在位七年崩太子卽位史失其名呂太后臨朝稱制元年太后議立諸呂爲王王陵不可曰高帝刑白馬盟曰

非劉氏而王天下共擊之陳平周勃以爲可陵罷相遂王呂氏四年太后廢帝幽殺之立其弟宏爲帝以太后稱制不改元諸呂擅權用事

八年太后崩諸呂欲爲亂齊哀王襄悼惠王之子也發兵

討諸呂相國呂王產

呂后兄子封於梁改梁爲呂國

使大將軍灌嬰擊之

嬰留屯滎陽與齊連和時趙王呂祿

呂后兄子將北軍呂王產

將南軍太尉勃不得主兵平勃使酈寄

酈食其從子

說祿解印

以兵授勃勃入軍門令曰爲呂氏者右袒爲劉氏者左袒

軍中皆左袒乃令齊王弟朱虛

縣名屬瑯琊郡故城在山東青州府臨朐縣東侯

章擊產殺之分部捕諸呂無少長皆斬之諸大臣迎立代

王恆殺少帝代王卽帝位是爲太宗孝文皇帝尊母薄氏

曰皇太后孝文元年平勃爲左右丞相灌嬰爲太尉

第四章 文帝仁儉

文帝旣立益明習國事問右丞相勃曰天下一歲決獄幾何勃謝不知又問一歲錢穀出入幾何勃又謝不知惶愧汗沾背帝問左丞相平曰有主者卽問決獄貢廷尉問錢穀責治粟內史帝曰君所主者何事平謝曰陛下使待罪宰相宰相者上佐天子理陰陽順四時下遂萬物之宜外鎮撫四夷諸侯內親附百姓使卿大夫各得其職焉帝稱善勃大慙謝病免

南越王佗自呂后時稱武帝役屬閩越駱越

俱南蠻種名閩越居福建

地駱越居安南地

東西數百里稱制與漢侔文帝使陸賈復往賜

佗書佗恐謝罪去帝制稱臣奉貢匈奴冒頓單于嘗遺書

嫚呂后呂后謙辭以謝之至是冒頓死子老上單于立文

帝以宗室女妻之使宦者中行說傅之說降單于教以無

變其俗遺漢書倨傲其辭屢入邊侵掠漢唯防備之而已

文帝時諸侯太驕齊哀王之弟濟北

今山東濟南府長清縣

王興居

發兵反敗死帝弟淮南

今安徽江淮之間

厲王長謀反廢徙蜀道

死吳王濞招致郡國亡命者采豫章

郡名今江西省

銅以鑄錢煮

海水為鹽故不賦而國富頗不循漢法齊楚二國亦皆強

僭梁文帝子懷王勝所封

太傅賈誼上疏陳治安之策數條首痛論

諸侯之害言大國之王負強難制莫如定制割地眾建諸

侯而少其力其次言漢奉匈奴首足倒懸宜急解之末段

論大臣當以禮遇之初高祖與蕭曹等起於微賤視大臣

如家僕蕭相國嘗觸上怒下廷尉械繫文帝亦以嫌疑下

絳春秋晉新都漢置縣屬河東郡今山西平陽府曲沃縣

侯周勃於廷尉受獄吏侵

辱故賈生以此譏帝帝深納其言養臣下有節不敢戮辱

大臣又及齊王嗣絕分齊為六國盡立哀王諸弟為王自

是悼惠之族力分而弱唯制匈奴之策則帝不敢從恐其

勞民也帝素愛賈生才嘗議以位公卿生年少氣銳大臣

多短之故不大用而死

古有肉刑墨劓剕宮是也虧損人體頗爲慘虐三代沿而不改至秦刑法最酷一人犯罪舉家坐之或爲收孥有大罪者夷三族漢興因之文帝卽位除收孥諸相坐律令然族誅之法則不除終漢世每輕用之帝又除肉刑唯宮刑沿舊當黥者髡鉗而爲徒當劓者笞三百剕罪輕者笞五百重者棄市於是有輕刑之名而入死者轉多其受笞者亦不勝痛楚而死至景帝時繼述帝意減其笞數自是笞者始得全云帝好黃老之道躬修玄默禁網疏闊罪疑者予民張釋之爲廷尉執法公平不阿刑罰大省至於一歲

斷獄止四百幾有刑措之風焉

文帝在位二十三年宮苑車服無所增益嘗有獻千里馬者帝以其無用卻之下詔曰朕不受獻其令四方勿來獻嘗欲作露臺召匠計之直金百斤帝曰中人十家之產也何以臺爲身衣弋絺所幸慎夫人衣不曳地帷帳無文繡感賈誼重農之說興親耕之古禮以勸獎農業又用鼂錯策募富民入粟得以拜爵畜積歲增遂至除田租帝舅將軍薄昭殺漢使者帝不忍加誅使羣臣往哭之昭自殺近臣如袁盎等諫說雖切常假借納用張武等受賂覺更加賞賜以愧其心專務以德化民當時公卿大夫質樸純厚

恥言人過上下成俗吏安其官民樂其業是以國內安甯家給人足後世鮮能及之

三代之制王侯死百官羣吏盡行三年之喪不得飲酒食肉祠祀嫁娶至秦其制更嚴營造陵墓窮極壯麗文帝懲其弊臨崩遺詔短喪令到吏民出臨三日皆釋服自當給喪事者已葬三十六日釋服治霸陵皆瓦器不得以金銀銅錫為飾因其山不起墳景帝元年丞相申屠嘉等奏功莫大於高皇帝德莫盛於孝文皇帝高廟宜為太祖孝文廟宜為太宗制曰可

第五章 景武抑損諸侯

孝景帝名啟孝文長子也為太子時鼂錯為家令得幸太子家號為智囊太子即位錯屢請閒言事輒聽寵傾九卿法令多所更定丞相嘉自紕嘔血而死錯為御史大夫文帝時吳太子入見得侍景帝飲博爭道不恭景帝引博局提殺之吳王稱疾不朝文帝賜以几杖鼂錯屢言吳過可削文帝不忍至是錯說景帝曰吳王誘天下亡人謀作亂今削之亦反不削亦反削之反速禍小不削反遲禍大帝令公卿列侯宗室雜議莫敢難時楚趙有罪皆削一郡

膠西

國名今山東萊州府高密縣

有姦削六縣及削吳二郡書至吳王

遂反楚王戊者元王之孫也趙王遂者高祖庶子幽王友

之子也膠西膠東

今山東萊州府平度州

菑川

故城在山東青州府壽光縣西南

濟

今山東濟南府

之王皆悼惠王之子也六國皆起兵應吳以誅

錯爲名

初文帝知條

縣名屬勃海郡今直隸河間府景州

侯周亞夫有將才臨崩戒

景帝曰卽有緩急亞夫真可任將亞夫者絳侯勃之子也至是拜爲太尉將三十六將軍往伐吳楚錯素與袁盎不善盎密言於帝曰獨有斬錯復諸侯故地兵可無血刃而罷帝乃殺錯族其家遣盎諭吳吳王不拜詔亞夫大破吳楚兵諸反皆平亞夫後爲丞相以諫忤帝意謝病免後又爲人誣告下獄不食而死帝忌刻少恩舉用酷吏到都甯

成然用心刑獄節儉愛民能遵孝文之業以故國家殷富景帝旣平七國之亂挫抑諸侯王不得自治民補吏令內史治之減黜其百官又留列侯於京師不使就國帝在位十六年崩太子徹立是爲世宗孝武帝武帝下推恩之令使諸王裂地封子弟爲列侯以屬漢郡不行威讓而藩國自析又作左官附益之法禁網漸密漢法王侯歲獻黃金助祭宗廟謂之酎金武帝時列侯坐酎金不如法奪爵者百餘人自是王侯盡失權勢無撫字之責唯得衣食租稅幾同廩祿其後省內史令相治國國相與郡守名異而職同侯國亦有相改所食縣鄉長吏爲之而其職如舊故景

武以後雖有王侯之稱郡縣之政行於全國與三代之封建迥異

第四篇 前漢中

第一章 武帝崇儒又信神仙

孝武帝建元元年年號始於此詔舉賢良方正直言極諫之士

帝親策問治道廣川縣名屬信都國故址在直隸河間府故城縣董仲舒對策

其一論德教之功言人君宜正心以正百官萬民其二願

興大學以養士使列侯郡守貢賢人其三請宗儒道以滅

絕異說帝善其對以為江都帝兄易王非之所封今江蘇揚州府相丞相衛

綰奏所舉賢良或治申韓蘇張之言亂國政者請皆罷奏

可

漢興孔子之學未盛武帝崇儒始置五經博士令郡國舉

孝廉親策賢良文學又徵吏民習儒術者置博士弟子五十人
 以任官擇吏通一藝以上者以補右職自是官吏彬彬多學士矣
 莊助朱買臣吾邱壽王司馬相如東方朔枚臯等以材智俊異寵用
 並在左右每令與大臣辨論相如特以辭賦得幸朔臯好談諧帝以
 俳優畜之朔時直諫有所補益帝兄河間今直隸河間府獻縣獻王好古學以金帛求四方
 善書多得古文經籍董仲舒公孫弘皆以治春秋進弘自布衣出為丞相
 孔安國以孔子之裔為侍中作尚書傳太史令司馬遷作史記經術文章至是始盛

帝又好神仙之說有方士李少君善為巧發奇中見帝曰

祠竈則致物而丹砂可化為黃金蓬萊仙者可見見之以

封禪則不死帝信之親祠竈遣方士入海求蓬萊安期生

之屬少君死帝以為化去而燕齊怪迂之士爭來言神仙

事矣或奏天神貴者曰泰一泰一佐為五帝青帝黃帝赤帝白帝黑帝

蓋泰一者上帝異名也於是立泰一及五帝祠壇於甘泉

山名在陝西邠州涇化縣西北三歲一郊見又好巡遊屢行海上求神仙

封泰山禪肅然山名在泰山東北作明堂於汶上今山東泰安府治以祠

上帝北巡遼西郡名今直隸永平府東境及盛京西境五原郡名秦九原郡今內蒙古毛明

安鳥喇忒地南巡江漢登天柱所至崇祠祀率無虛歲

帝嘗惑方士少翁之術拜為文成將軍以客禮之已而覺

其詐誅之後又以方士樂大爲五利將軍封樂通侯妻以公主大亦以詐誅方士公孫卿寵信尤久卿言仙人好樓居帝乃大營宮觀作通天莖臺高四十丈會柏梁臺災更作建昌宮千門萬戶東鳳闕西虎圈北太液池池中有蓬萊方丈瀛洲壺梁象海中神山龜魚之屬南設玉堂璧門立井幹樓神明臺共高四十丈臺上有銅仙人舒手掌捧銅盤盤大十圍號承露盤以承雲表之露和玉屑飲之云可以長生帝屢獲奇物以爲祥瑞如白麟朱雁寶鼎靈芝皆爲樂章薦之郊廟有司又言元宜以天瑞命乃追定卽位以來年號年有號自此始

第二章 武帝窮兵拓疆

武帝雖崇儒喜仙而甚嗜武事自恃才略欲耀威於四表嘗用大行王恢議遣恢等將兵匿馬邑旁谷中使間誘匈奴單于入塞而擊之單于覺而去自是匈奴屢攻漢塞唐蒙上書請通南夷帝拜蒙中郎將將兵入夜郎南夷國名今貴州遵義府夜郎聽約乃置犍爲郡今四川敘州嘉定二府及其附近之地至貴州仁懷廳又拜司馬相如爲中郎將通西夷邛笮冉駹三國皆在四川地邛今甯遠府笮今雅州府清溪縣冉駹今茂州皆內屬匈奴入上谷郡名今直隸宣化府帝遣車騎將軍衛青等擊逐之青本人奴由姊受帝寵得起身然有將才善遇士眾屢伐匈奴每出有功遂取河南地置

朔方郡今內蒙古鄂爾多斯地匈奴右賢王屢侵朔方元朔五年青

率六將軍擊走之帝以青為大將軍尊寵無比公卿皆卑

奉之獨汲黯與抗禮青愈賢黯遇之加於平日

初黯為謁者以嚴見憚以屢切諫不得留內遷東海郡名今山東沂州府南境

及江蘇海州太守好清淨病臥不出而郡大治入為九

卿帝方招文學嘗曰吾欲云云黯曰陛下內多欲而外施

仁義奈何欲效唐虞之治乎帝怒罷朝曰甚矣黯之戇也

他日莊助譽黯帝曰古有社稷臣如黯近之矣大將軍青

雖貴有時侍中帝踞床側而見之丞相公孫弘燕見帝或

時不冠至黯帝不冠不見也淮南王安厲王長子謀反曰漢

朝大臣獨汲黯守節死義難惑以非如丞相弘等說之如

發蒙振落耳黯後坐法免

衛青甥霍去病亦屢北伐多軍功為驃騎將軍親貴比大

將軍矣元狩四年武帝二十二年兩將軍分道擊匈奴大破之驃

騎絕大漠封狼居胥山在外蒙古喀爾喀地而還單于遠遯漠南無

王庭其後路博德楊僕等擊南越平之獲其王建德趙佗玄孫

置九郡南海蒼梧鬱林合浦珠崖儋耳交阯九真日南其交阯九真日南三郡秦

象郡之地今安南國也交阯今山南以北九真今清華又安順化日南今廣南郭昌

等又平西南夷置五郡武都汶山沈黎越巂牂牁楊僕等擊東越即閩越今

福建越人殺其王以降漢徙其民於江淮之間

帝已滅南越欲觀兵塞北然後封禪元封元年武帝三

帥大軍出長城登單于臺蓋在內蒙古歸化城土默特界內遣使告烏維

單于老上單于之孫曰南越王頭已懸於漢北關今單于能戰天

子自將待邊烏維讐不敢出是歲遂行封禪也

初月氏為匈奴所破餘眾西遷擊破拔克特利分其地而

居之武帝遣張騫往使騫徑匈奴中單于得之留十餘歲

騫得閒亡西踰蔥嶺歷大宛康居至大月氏及拔克特利

而還復為匈奴所得留歲餘逃歸初行時百餘人唯騫與

一奴得還

是時匈奴西邊今甘肅安西州西境鎮西府西境迪化州及新疆小國二十餘蔥

嶺以外大國七八漢人總稱西域大宛康居大月氏皆居

阿母河北大宛今浩罕塔什干等地康居今撒麻兒干以北大月氏今布哈喇東南境其地今

屬俄國號為中亞細亞方匈奴之盛也康居以東諸國率

皆服屬之匈奴日逐王置吏領西域賦稅取足焉拔克特

利在阿母河南岸今阿富汗國北境也希臘人來主之秦

時國勢甚盛及敗於月氏稍衰漢史謂之大夏大夏西鄰

有怕提亞國今波斯地也亞施克氏世王之為西亞細亞

強國漢史謂之安息安息者亞施克之轉也大夏之東南

為印度漢史謂之身毒地廣民殷富厚亞於漢土

張騫自月氏還具言西域諸國風俗曰大宛大夏安息之

屬皆大國多奇物身毒在大夏東南數千里度其去蜀不

遠矣帝遣騫因蜀道求身毒國莫得通通滇國今雲南府會

匈奴渾邪王叛降漢加以單于北遯自河以西至鹽澤今

羅布泊空無胡人西域道可通騫請結烏孫西域國名以斷

匈奴右臂乃遣騫等使西域諸國西至怕提亞南至印度

於是西域始通於漢矣漢於渾邪王故地今甘肅西北境置四郡

武威張掖徙民以實之絕匈奴與羌居西夷之大種通之道

又遣郭昌擊滇降之置益州郡今雲南遣趙破奴擊樓蘭

西域國名在甘肅安西州敦煌縣西虜其王遂擊破車師西域國名今甘肅鎮西府西境及迪

州化

朝鮮今朝鮮北境及盛京東南境箕氏傳世四十有一至箕準而衰漢

初燕人衛滿聚黨出塞攻逐準自立為朝鮮王役屬真番

之地今興京臨屯江陵府傳至孫右渠襲殺漢邊吏武帝使楊

僕等擊之朝鮮殺右渠以降漢以其地為四郡真番臨屯樂浪玄菟

元封六年武帝三十六年烏孫王遣使請娶漢女結為昆弟帝許

之以宗室女為公主往嫁烏孫是時漢與西域使聘往來

不絕帝每巡狩悉從外客散財帛以示漢富厚然諸國猶

畏匈奴待其使過於漢使

第三章 武帝暴政及晚年悔改

武帝比歲征伐國用不給乃設買官名曰武功爵令民得

無功而買之以白鹿皮爲皮幣雜造銀錫爲白金孔僅桑
弘羊之徒以善理財擢用興利以佐經費置鹽鐵官禁民
私鑄鐵器煮鹽算緡錢舟車悉課稅設均輸法置平準於
京師令遠方各以其所饒之物爲賦而相灌輸官自賣之
於其所無之地以奪商賈之利禁民酤釀官自開置名曰
權酤又令死罪得納錢贖之

帝所用丞相初惟田蚡以王太后之弟稍專權餘皆充位
而已公孫弘後國家多事丞相大臣連誅死公孫賀拜相
至涕泣不肯拜亦卒得罪而族帝好尊用酷吏嘗使張湯
趙禹定律令務在深文義縱王溫舒杜周之屬皆峻刻爲

能然湯縱溫舒亦皆誅焉用刑雖嚴吏民益輕犯法東方
盜賊滋起帝遣使者衣繡衣持斧發兵擊之所至得擅斬
二千石以下誅殺甚多二千石者謂郡守國相內史等以
其秩皆二千石也

太初二年武帝三十八年遣趙破奴擊匈奴敗沒又遣李廣利擊

大宛不克明年大發兵使廣利率之圍宛降之得善馬數

十匹帝欲乘勝遂困匈奴會且鞮侯單于烏維單于之弟新立恐

漢襲之遣使朝獻然衛霍已沒漢威不如昔日北征常少

利李陵李廣利降於匈奴

中郎將蘇武使匈奴單于欲降之不屈乃徙武北海今俄國境

內貝加爾湖

上無人處使牧羊武掘野鼠食草實臥起持漢節單于使李陵勸武降曰人生如朝露何自苦如此武不肯至昭帝時匈奴國亂乃與漢和親歸武等武留胡地十九年始以強壯出及還鬚髮盡白漢拜為典屬國

武帝時方士巫覡多聚長安變幻惑眾女巫往來宮中教羣妾度厄埋木人祭之征和二年武帝五年帝疾江充言崇

在巫蠱帝在甘泉宮以充為使者治巫蠱獄坐而死者數萬人充與太子據有隙入宮求蠱云於太子宫得木人尤多據懼捕充斬之白母衛皇后衛青姊發兵帝怒使丞相劉屈氂討之皇后自殺據敗走自經死田千秋訟太子冤帝

悟族江充家作思子宮

武帝受文景豐富之後好大喜功窮兵於四夷內事土木重斂繁刑信惑神怪巡遊無度使百姓疲敝起為盜賊晚年幸東萊郡名今山東萊州府治及登州府欲自浮海求神仙遇大風不

果至泰山修封禪既而謂羣臣曰朕即位以來所為狂悖使天下愁苦不可追悔自今事有傷害百姓者悉罷之乃罷諸方士候神人者是後每對羣臣自歎曩時愚惑罷議輪臺西域地名在甘肅迪化州界內屯田下詔深陳既往之悔令禁苛暴止擅賦力本農脩馬復令以毋乏武備由是不復出軍

第四章 霍光輔政附霍氏之敗

武帝已喪戾太子愛少子弗陵多知欲立之察羣臣唯霍光忠厚可任大事乃使人畫周公負成王朝諸侯以賜光光者去病異母弟也弗陵母鉤弋夫人無罪而賜死謂侍臣曰古國家所以亂由主少母壯驕淫自恣也及病篤立弗陵爲太子以霍光爲大司馬大將軍受遺詔輔政帝在位五十四年崩太子卽位是爲孝昭帝昭帝始元元年皇兄燕王旦以長不得立謀反漢赦不治誅其黨與武帝末年國內虛耗戶口大減霍光爲政首問民疾苦振貸貧民罷權酷官輕徭薄賦與民休息百姓充實稍復文景之業昭帝姊鄂縣名屬江夏郡今湖北武昌府武昌縣邑長公主左將軍上官桀

桀子車騎將軍安御史大夫桑弘羊等忌大將軍光欲除之與燕王旦通謀令人詐爲燕王上書言光專權自恣疑有非常帝時年十四聰明不惑上書者亡捕之甚急桀等懼白帝曰小事不足遂帝不聽桀黨有譖光者帝輒怒曰大將軍忠臣先帝所屬以輔朕身敢有毀者坐之自是莫敢復言桀等謀令長公主置酒請光伏兵格殺之因廢帝而立旦安又謀誘旦殺之而立桀事覺詔捕桀安弘羊等並宗族盡誅之長公主燕王自殺

大將軍光以朝無舊臣張湯之子安世自武帝時爲尙書令志行純篤乃白帝用爲右將軍兼光祿勳以自副焉又

以杜周之子延年有忠節擢爲太僕光持刑罰嚴延年常輔之以寬

昭帝在位十三年崩無嗣皇后上官氏安娶霍光女所生也安等敗后以光外孫得不廢至是光以后詔迎武帝孫

昌邑

故城在山東濟甯州金鄉縣西北

王賀立之尊后爲太后賀旣立淫

戲無度光率羣臣奏太后廢之殺昌邑羣臣二百餘人

初戾太子遭巫蠱事男女妻妾皆遭害獨孫病已在生數月亦繫獄丙吉治獄得免死且擇謹厚女乳養之月給米肉視遇甚有恩惠及長高材好學亦喜遊俠具知閭里姦邪吏治得失光等奏孝武皇帝曾孫病已節儉慈仁可以

嗣孝昭皇帝後迎入卽位後改名詢是爲中宗孝宣帝宣帝本始元年光請歸政帝謙讓不受諸事皆關白光然後奏

自昭帝時霍氏子弟諸壻外孫皆貴黨親滿朝及賀廢光權益重光夫人顯欲貴其少女成君使女醫陰毒殺許皇后光大驚欲自發舉不忍而止顯因勸光納成君爲皇后地節二年宣帝六年光卒帝及太后親臨喪賜喪具如乘輿制度帝以張安世爲大司馬車騎將軍魏相爲丞相丙吉爲御史大夫時霍氏驕奢放縱帝收其兵權以安世爲衛將軍領諸軍霍氏懼謀反誅坐而夷滅者數十家霍皇后坐

廢

第五章 宣帝中興

霍光既卒宣帝始親政勵精爲治信賞必罰綜核名實吏稱其職民安其業自政事文學法理之士至技巧工匠之徒咸精其能拜刺史守相輒親見問常曰民所以安其田里而無歎聲者政平訟理也與我共此者其唯良二千石乎以爲太守吏民之本屢變易則下不安故二千石有治效輒以璽書勉勵增秩賜金或授爵關內侯公卿缺則選諸所表以次用之于定國爲廷尉民無冤枉與張釋之並稱趙廣漢朱邑龔遂尹翁歸韓延壽黃霸張敞之屬皆治

民有美績漢代良吏於是爲盛

魏相好觀漢故事屢條漢興以來便宜行事及賢臣賈誼
龜錯董仲舒等所言奏施行之與丙吉同心輔政帝皆重
之吉爲人深厚不伐善自曾孫遭遇絕口不道前恩相卒
吉爲丞相尙寬大好禮讓不親小事時人以爲知大體吉
卒黃霸于定國相繼代之霸爲相時司農中丞耿壽昌白
令邊郡皆築倉貯穀隨貴賤而糶糴名曰常平倉民便之
帝效武帝故事謹齋祀增置神祠頗好神仙京兆尹張敞
上疏請斥方士帝由是罷尙方待詔又脩飾宮室車服盛
於前朝外戚許許皇史祖母史王氏母王夫貴寵諫大夫

王吉上疏請述舊禮明王制帝以其言為迂闊吉謝病歸
帝方用刑法為治信任中書宦官司隸校尉蓋寬饒奏封
事謗之帝下之吏寬饒自刎眾庶憐之趙廣漢韓延壽亦
以微罪誅吏民號泣者數萬人識者以為善政之累然良
吏既眾宰輔皆得人不失為中興之令主在位二十五年
崩

第六章 漢威震絕域

自武帝耀武以來塞外諸國皆懼漢威昭帝時樓蘭王死
匈奴遣其質子歸為王霍光遣傅介子齎金幣揚言賞賜
外國至樓蘭誘新王刺殺之持其首歸漢送其弟降在漢

者立之更名其國為鄯善

初冒頓破東胡東胡餘眾散保烏桓

山名在內蒙古東部及鮮卑山

在內蒙古科爾沁右翼西

為二族其後烏桓部眾漸強屢侵漢塞霍光

遣范明友出遼東擊破之又募郡國徒築玄菟城以備東

邊

玄菟武帝滅朝鮮所設之郡故城在今興京界內

宣帝初年匈奴連擊烏孫烏孫請救於漢宣帝遣五將軍
與烏孫夾擊匈奴奔避校尉常惠護烏孫兵擊獲名王以
下四萬級馬牛羊驢七十餘萬頭單于復擊烏孫會大雪
人畜凍死丁零北狄別種居外蒙古西北境攻其北烏桓入其東烏孫
擊其西諸屬國皆瓦解而漢邊少事矣

元康元年

宣帝九年

馮奉世使西域會莎車

西域國名故地在同疆業爾羌近傍

叛漢奉世諭諸國發兵攻拔其城更立王而還漢議封奉世少府蕭望之以為擅矯制發兵不可以為法即封奉世後奉使者要功萬里之外生事於夷狄漸不可長帝善其議

初車師附匈奴侍郎鄭吉擊破之使吏卒往田其地匈奴屢遣兵擾田者吉上言願益田卒帝欲因匈奴衰弱擊其右地使不復擾西域魏相諫曰臣聞救亂誅暴者謂之義兵兵義者王敵加於己不得已而起者謂之應兵兵應者勝爭恨小故不忍憤怒者謂之忿兵兵忿者敗利人土地

貨寶者謂之貪兵兵貪者破恃大矜眾欲示威於敵者謂之驕兵兵驕者滅閒者匈奴未有犯邊疆雖爭車師不足致意今欲興兵入其地臣愚不知此兵何名也按今年計子弟殺父兄妻殺夫者凡二百二十八人此非小變左右不憂此乃欲報織芥之怨於遠夷殆孔子所謂憂不在顯與而在蕭牆之內也帝從之使鄭吉還屯渠犂西域國名所在不詳神爵元年宣帝十三年先零西羌種名居青海地與諸羌畔漢侵金城郡名今甘肅蘭州西甯二府帝使問後將軍趙充國誰可將者充國年七十餘對曰無踰老臣復問度當用幾人充國曰百聞不如一見兵難遙度願至金城圖上方略帝乃遣充國擊西羌

充國至金城上奏曰羌易以計破難用兵碎擊之不便願
罷騎兵留步兵萬餘屯田帝報曰即如將軍之計虜當何
時伏誅熟計復奏充國上狀曰帝王之兵以全取勝故為
不可勝以待敵之可勝因陳屯田便宜十二事奏每上輒
下公卿議初是其計者什三中什五最後什八魏相請用
其計帝從之明年充國振旅而還諸羌降漢置金城屬國
以處降羌

匈奴日逐王先賢揮

且鞮侯單于之孫

與單于屠耆堂

烏維單于之曾孫

有隙帥其眾降於漢鄭吉發渠犂龜茲

西域國名今諸國同疆庫車地

五萬人迎之率詣漢京吉威振西域西域有南北二道吉

初護南道諸國至是又護北道在車師以西者號都護立

幕府烏壘城

在龜茲城之東

督察烏孫康居等三十六國漢之號

令班西域矣

屠耆堂暴虐好殺失眾而滅五單于爭立遂分為二國呼

韓邪單于與郅支單于

俱虛閭權渠單于之子且鞮侯單于之曾孫

相攻呼韓

邪敗走降漢稱臣請朝正月漢有司議其儀丞相御史以

為單于朝賀宜如諸侯王位次在下蕭望之曰單于非正

朔所加故稱敵國宜待以不臣之禮位在諸侯王上帝從

之甘露三年

宣帝二十三年

呼韓邪朝漢以客禮待之贊謁不名

還居五原塞下自是烏孫以西諸國近匈奴者咸尊漢矣

帝以外國賓服思股肱之美乃畫其人於麒麟閣霍光張安世韓增趙充國魏相丙吉杜延年劉德梁邱賀蕭望之蘇武凡十一人皆有功德知名當世

黃龍元年宣帝二十五年鄧支單于擊破烏孫北并堅昆北狄別種居阿

爾泰山地方今吉利吉思族其裔也留都之元帝初元元年置戊己校尉屯

田車師故地五年鄧支殺使者西走康居明年呼韓邪北歸庭其後西域副校尉陳湯發兵與都護甘延壽襲擊鄧支於康居殺之傳首至京懸藁街十日呼韓邪入朝請為漢婿元帝以宮女王昭君妻之自是匈奴後裔世稱漢甥

第五篇 前漢下

第一章 元帝任宦者

孝元帝名奭孝宣長子也初為太子柔仁好儒見宣帝所用多文法吏以刑繩下嘗侍燕從容言陛下持刑太深宜用儒生宣帝作色曰漢家自有制度本雜霸王道奈何純任德教用周政乎且俗儒不達時宜好是古非今使人眩于名實何足委任乃歎曰亂我家者太子也然以太子許后微時所生而帝少依許氏及即位許后以弑死故弗忍廢之也臨崩以外屬史高宣帝祖母史良娣之兄子為車騎將軍太子太傅蕭望之為前將軍少傅周堪為光祿大夫並受遺詔

輔政領尚書事

元帝卽位望之堪皆以師傅舊恩見信任宗室劉向明經有行望之選使給事中與侍中金敞並拾遺左右四人同心謀議史高充位而已由是與望之有隙中書令弘恭僕射石顯自宣帝時久典樞機元帝多疾以顯中人無外黨遂委以政貴幸傾朝顯巧慧習事與史高爲表裏望之等患許史放縱又疾恭顯擅權建白以爲中書政本國家樞機宜以通明公正處之武帝遊宴後庭故用宦者非古制也宜罷中書宦官議久不定恭顯奏望之堪向朋黨數譖毀貴戚欲以專權不忠不道請召致廷尉時帝未知召致

廷尉爲下獄可其奏後帝欲召堪向聞其繫獄大驚曰非但廷尉問邪令出視事恭顯使高說帝竟免三人後帝欲以望之爲相顯等讒之逮捕望之望之自殺恭病死顯爲中書令

顯威權日盛與少府五鹿充宗中書僕射牟梁結爲黨友諸附倚者皆得寵位會日食地震劉向京房等以爲顯等擅權所致向嘗上書請遠佞邪房見帝有所諷諭帝亦知之而不能退也帝徵用儒生頗改前朝之政韋玄成匡衡皆以儒進爲丞相而帝徒牽制文義優游不斷孝宣之業衰焉

第二章 政歸王氏

元帝在位十六年崩太子驚卽位是為孝成帝尊母后王氏為皇太后以元舅陽平縣名屬東郡今山東東昌府莘縣侯王鳳為大司馬大將軍領尚書事成帝建始元年石顯免官歸故郡道死其黨悉廢黜於是宦官失勢而政歸外戚焉是歲王鳳弟崇封安成縣名屬汝南郡故城在河南汝甯府城東南侯其後五弟譚商立根逢時同日皆為列侯世謂之五侯鳳專權谷永杜欽等諸儒為之羽翼王氏子弟分據勢官京兆尹王章見成帝勸退鳳帝不忍卻殺章自是公卿皆側目視鳳光祿大夫劉向極諫以為王氏與劉氏勢不並立帝不能用鳳卒

從弟音為大司馬

王太后兄弟八人獨弟曼早死不侯其子莽幼孤五侯子乘時侈靡以輿馬聲色佚遊相高莽折節為恭儉勤身博學外交英俊內事諸父曲有禮意永始元年成帝十封新都縣名屬廣漢郡今屬四川成都府侯為侍中位益尊而躬愈謙聲譽傾諸父大司馬音卒王商代之商卒王根代之

特進張禹以帝舊師嘗為丞相及罷帝猶與議政時吏民多上書言災異王氏專政所致帝至禹第密以示禹禹畏王氏謂帝曰災變之意深遠難見鄙儒所言宜無信用帝雅信禹由是不疑王氏魯國朱雲好奇節見帝曰臣願賜

尚方斬馬劍斷佞臣一人頭以勵其餘帝問誰也對曰安
昌縣名屬河內郡故城在河南懷慶府溫縣東北侯張禹帝大怒曰小臣廷辱師
傅罪死不赦御史將雲下雲攀殿檻檻折雲呼曰雲得下
從龍逢比干遊於地下足矣未知聖朝何如耳左將軍辛
慶忌叩頭流血爭之帝意解及後當治檻帝曰勿易因而
輯之以旌直臣

成帝荒於酒色政在外家漢業愈衰王根薦姪莽代己為

大司馬莽聘賢養士愈為儉約以飾名成帝無子立姪定

陶今山東曹州府定陶縣王欣為太子在位二十六年崩太子即位

是為孝哀帝尊皇太后曰太皇太后追尊生父定陶恭王

曰恭皇太皇太后使莽避哀帝外家莽罷就國於是丁傅

二氏哀帝母丁姬祖母傅太后之族用事侍中董賢美而佞帝寵幸之貴

震漢廷帝屢誅大臣欲以強主威然信讒疾直漢祚遂微

哀帝在位六年崩太皇太后遣使馳召莽董賢自殺以莽

為大司馬領尚書事迎元帝庶孫中山今直隸定州王箕子入

即位年甫九歲後改名衍是為孝平帝太皇太后臨朝大

司馬莽秉政擬上世諒闇之制令百官總己以聽於莽平

帝元始元年以孔光為太師王舜為太保光孔子十三世

孫舜音之子也莽為太傅號安漢公四年聘莽女為皇后

采伊尹周公稱號加莽為宰衡位諸侯王上莽奏起明堂

靈臺辟雍明堂者所以出教化靈臺者所以望雲氣辟雍者所以行大射養老之禮皆效周制也益博士員為學者築舍萬區徵異能之士前後千數

五年孔光卒成哀以來張禹孔光等以名儒為三公與時俯仰諛諛成風公卿咸稱莽功德比之周公吏民上書頌莽者至四十八萬人遂策命莽以九錫九錫之名古無聞然亦本於周命侯伯之盛禮也是歲莽進毒弑帝元帝世絕徵宣帝玄孫嬰為皇太子號曰孺子因周成王幼時之號也莽居攝踐祚祭贊曰假皇帝民臣謂之攝皇帝漢自高祖五年為帝至是十三世

高帝惠帝二少帝文帝景帝武帝昭帝宣帝元帝成帝哀

帝平二百有七年乃為王氏所篡居攝二年東郡太守翟義起兵討莽不克而死明年莽即真皇帝位定國號曰新更號其姑漢太皇太后曰新室文母太皇太后後五年崩

第三章 王莽敗滅

新帝莽始建國元年封孺子嬰為定安公立漢宗廟於其國莽策命羣司文倣典誥更定官爵效虞周之制置四輔三公四將悉封宗屬為侯伯子男漢諸侯王皆降為公後皆奪爵四夷稱王者皆更為侯漢時豪民兼并貧富懸隔殊甚置奴婢之市與牛馬同闢於是莽用古井田法更名民田曰王田奴婢曰私屬皆不得賣買男口不盈八而田

過一井者分餘田予九族鄉里後莽知民愁怨詔許賣買王田及庶人

莽恃府庫之富欲立威匈奴改匈奴單于為降奴服于命諸將北征單于知者呼韓邪之子也怒曰先單于受漢宣帝恩不可背也今天子非宣帝子孫何以得立遣兵入塞北邊始多事西域皆叛知卒弟咸立陽與新和莽改號匈奴曰恭奴單于曰善于然匈奴侵盜不止

莽銳思於地理變更地名疆界一郡至五易名而復其故制禮作樂講合六經論議連年制度不定吏緣為姦獄訟冤結屢改造錢貨增減其價民私鑄錢及非沮寶貨以抵

罪者不可勝數託名古制設五均六筦以奪民利權酒酤禁挾弩鎧法令煩苛賦斂重數農商失業食貨俱廢荆揚青徐之間盜賊羣起州郡不能制莽以五石銅鑄作北斗狀名曰威斗斗者漢人所祠為軍神也欲以厭勝眾兵出入使人負之以行遣太師王匡更始將軍廉丹東討眾賊青州賊樊崇等皆朱其眉號赤眉匡丹兵所過放縱東方為之語曰甯逢赤眉不逢太師太師尚可更始殺我

荆州賊據綠林山名在湖北安陸五年分為下江謂大江

新市地名故城在安陸兵新市兵入南陽平林縣名屬南陽郡故城

在湖北德安府隨州東北兵起應之景帝六世孫劉演與弟秀起兵於

春陵

鄉名屬南陽郡蔡陽縣故城在湖北襄陽府棗陽縣東

與新市平林兵合力下

江兵亦來附眾已十餘萬無所統一諸將議立劉氏以從

人望下江將王常等欲立演新市平林將帥憚演威明沮

之時演同族春陵劉玄在平林兵中號更始將軍諸將貪

其懦弱立為漢皇帝南面朝羣臣羞愧流汗舉手不能言

改元更始置公卿演為大司徒漢軍徇昆陽定陵鄧

三縣皆屬

穎川郡昆陽故城在河南南陽府葉縣南定陵故城在南陽府舞陽縣北鄧故城在河南許州鄧城縣南下之

又攻取宛

縣名南陽郡治今南陽府治

漢帝入都之是歲新之地皇四

年

王莽即位十五年也漢帝玄更始元年

新帝遣王尋王邑大發兵平山東以長人巨毋霸為壘尉

又驅虎豹犀象之屬以助威武兵四十二萬旌旗百餘里

不絕漢諸將見新軍盛走入昆陽兵僅八九千尋邑縱兵

圍之劉秀至鄧定陵悉發兵自將步騎千餘為前鋒與新

兵戰斬首數十級諸將曰劉將軍平生見小敵怯今見大

敵勇甚可怪也尋邑兵卻諸部共乘之連勝而前無不一

當百秀與敢死者三千人衝其中堅尋邑陳亂漢兵乘銳

崩之遂殺尋城兵亦鼓譟而出中外合勢震呼動天地新

兵大潰會大風雷雨滄川盛溢虎豹皆股戰士卒溺死者

以萬數關中聞之震恐四方豪傑響應殺其牧守用漢年

號旬月之間徧於國內演秀威名益盛漢帝忌演殺之秀

不敢服喪唯枕席有涕泣處又未嘗伐功帝慙拜秀為破
虜將軍封武信侯成紀縣名屬天水郡今甘肅秦州秦安縣隗囂起兵應漢
徇下天水郡名今甘肅鞏昌府隴西郡名今甘肅蘭州府東北境及秦州北境諸郡公孫述起兵成都縣名蜀郡治今四川成都府治自稱輔漢將軍益
州牧後自立為蜀王

漢兵入武關三輔豪傑並起應之進攻長安莽旋席隨斗
柄而坐曰天生德於予漢兵其如予何明日眾兵入斬莽
分其身節解鬻之傳首至宛莽稱帝十五年而亡漢別將
拔洛陽帝立徙都之尋遷於長安封宗室功臣為王凡二
十人羣小膳夫皆濫授官爵徵隗囂為右將軍

第六篇 後漢上

第一章 光武復漢

漢帝立以劉秀行大司馬事使徇河北所過除莽苛政南
陽鄧禹說秀曰更始常才諸將皆庸人帝王大業非凡夫
所任明公莫如延攬英雄務悅民心立高祖之業救萬民
之命以公而慮天下不足定也秀悅令禹常宿止於中與
定計議

邯鄲縣名戰國趙都漢為趙國治今屬直隸廣平府卜者王郎詐稱成帝子子興

漢宗室劉林立之為帝徇下幽冀州郡響應更始二年劉
秀北徇薊縣名戰國燕都漢為廣陽國治今京城地薊中應王郎秀促駕出城

晨夜南馳至蕪萋亭在直隸深州饒陽縣東北馮異上豆粥渡滹沱河

遇大風雨入道旁空舍馮異抱薪鄧禹爇火秀對竈燎衣

異進麥飯時郡縣皆已降王郎獨信都郡名今直隸冀州和戎郡名

今直隸正定府晉州不肯從秀馳至信都發旁縣兵移檄擊邯鄲郡

縣復應秀秀披輿地圖指示鄧禹曰天下郡國如是今始

得其一子前言天下不足定何也禹曰方今海內殺亂人

思明君猶赤子慕慈母古之興者在德厚薄不以大小也

上谷漁陽諸將將兵會秀於廣阿縣名屬鉅鹿郡今直隸趙州隆平縣秀進

拔邯鄲殺王郎收郎文書得吏民與郎交者數千章秀會

諸將燒之曰令反側子自安秀部分吏卒軍士皆言願屬

大樹將軍謂馮異也異為人謙退不伐諸將論功異常獨

屏樹下故有此號

漢帝遣使立秀為蕭縣名屬沛郡今屬江蘇徐州府王令罷兵還耿弇說

秀以自立秀乃不就徵辭以河北未平秀擊銅馬諸賊降

之諸將未信降者降者亦不自安秀令各歸營勒兵自乘

輕騎按行部陳降者相語曰蕭王推赤心置人腹中安得

不投死乎秀以降人分配諸將南徇河內赤眉入潁川郡名

今河南開封府禹州汝州東境及許州遂西攻長安秀欲乘釁并關中遣鄧

禹將兵而西禹薦寇恂守河內恂調餼糧治器械以供軍

未嘗乏絕秀自引兵北徇燕趙謂今直隸之地

更始三年漢光武帝建武元年方望立前定安公劉嬰為帝據臨涇

縣名屬安定郡今甘肅涇州鎮原縣帝立遣丞相李松擊斬之蕭王秀敗羣

賊還至鄯縣名屬常山郡故城在直隸趙州柏鄉縣北諸將立王為皇帝改元

建武是為漢世祖光武帝光武歸河內遣吳漢等圍洛陽

赤眉樊崇等立劉盆子為帝入長安帝立敗走已而降赤

眉尋被殺光武遙封立為淮陽今河南陳州府王招降洛陽入都

之

鄧禹西渡河師行有紀百姓望風相攜負以迎軍禹停車

勞來之垂髻戴白滿車下禹名震關西建武二年赤眉大

掠而西禹乃入長安赤眉復還禹戰不利走帝遣馮異代

禹明年禹慚無功要異共擊赤眉大敗禹脫歸異收散卒

堅壁已而大破赤眉於崤山名在河南府永甯縣北底餘眾東向宜陽

縣名屬宏農郡今屬河南府帝勒軍待之樊崇以劉盆子及丞相徐宣

等肉袒降帝陳兵馬令盆子君臣觀之謂曰得無悔降乎

宣叩頭曰去虎口歸慈母誠歡誠喜無所恨也帝賜崇等

田宅關中餘寇悉平

第二章 光武平羣雄附外夷 叛服

光武之初立也蜀王公孫述已稱帝號成家隗囂歸天水

稱西州上將軍竇融據河西謂金城武威張掖酒泉敦煌五郡之地今甘肅蘭州涼州

甘肅三府及肅州安西州稱五郡大將軍秦豐據黎邱城名在湖北襄陽府宜城縣北

稱楚黎王李憲據廬江

郡名今安徽安慶廬州二府

稱淮南王後稱帝

漁陽太守彭寵叛漢自稱燕王劉玄所立梁王劉永稱帝

於睢陽

縣名周爲宋都今河南歸德府治

立董賢爲海西

縣名屬東海郡在江蘇海州南

王張步爲齊王其他羣盜猶眾光武遣將軍吳漢等東伐睢陽人斬劉永以降將軍耿弇等北伐彭寵奴斬寵以降弇東擊張步

建武四年隗囂使馬援往觀公孫述援與述舊謂當握手歡如平生而述陳陞衛以延援禮饗甚盛援語其屬曰天下雌雄未定公孫不吐哺走迎國士反修飾邊幅如偶人形此何足以稽天下士乎因辭歸謂囂曰子陽井底蛙耳

而妄自尊大不如專意東方囂乃使援奉書洛陽初到光武在殿廡下岸幘迎笑曰卿遨遊二帝間今見卿使人大慚援頓首辭謝因曰當今非但君擇臣臣亦擇君臣與公孫述同縣少相善臣前至蜀述陞戟而後進臣臣今遠來陛下何知非刺客姦人而簡易若是帝笑曰卿非刺客顧說客耳援曰天下反覆盜名字者不可勝數今見陛下恢廓大度同符高祖乃知帝王自有真也

五年援歸囂問東方事援曰上才明勇略非人敵也且開心見誠無所隱伏闊達多大節略與高帝同經學博覽政事文辨前世無比囂曰卿謂何如高帝援曰不如也高帝

無可無不可今上好吏事動如法度又不喜飲酒囂不懌
曰如卿言反復勝乎

囂問班彪曰戰國從橫之事將復起於今乎彪著王命論
以諷之囂不聽彪避地河西竇融甚禮重之彪爲融畫策
使之專意事漢馬援將家屬歸漢囂遣辨士說融以自立
曰高可爲六國下不失尉佗融不從帝以融爲涼州牧賜
璽書有曰議者必有任囂教尉佗之計書至河西皆驚以
爲天子明見萬里之外

漢將軍朱祐急攻黎邱秦豐出降送洛陽斬之帝自將擊
董賢及叛將龐萌走之耿弇連破齊兵拔諸城帝至臨淄

周末齊都漢縣爲齊郡治今屬山東青州府自勞軍謂弇曰將軍前在南陽建

此大策常以爲落落難合有志者事竟成也弇遂追張步

降之齊地悉定六年將軍馬成等拔舒縣名廬江郡治今安徽廬州府廬江

縣獲李憲吳漢等擊斬董賢龐萌江淮山東悉平惟隴蜀

未平帝積苦兵閒謂諸將曰且當置此兩子於度外耳馮
異自長安入朝帝謂公卿曰是我起兵時主簿也爲我披
荆棘定關中勞異曰倉卒蕪蕪亭豆粥滹沱河麥飯厚意
久不報

其後隗囂稱臣於公孫述述立囂爲朔甯王八年帝自將
擊囂馬援在帝前聚米爲山谷指畫形勢開示軍所從徑

道帝曰虜在吾目中矣竇融率五郡太守會之遂共進軍

囂奔西域

縣名屬隴西郡故城在甘肅秦州西南

會潁川盜起帝馳還征之

寇恂前驅賊悉降百姓遮道曰願借寇君一年乃留恂鎮

撫大兵不戰而還九年囂病死子純嗣為王十年漢軍攻

降之隴右平

十一年帝遣大司馬吳漢將兵會征南大將軍岑彭伐蜀

彭至荆門

山名在湖北荆州府宜都縣西北

裝戰船吳漢欲罷之彭不可

上書言狀帝報曰大司馬習用步騎不曉水戰荆門之事

一由征南公為重而已彭戰船並進所向無前述使賊刺

殺彭吳漢繼進明年至成都擊殺述蜀平詔竇融與五郡

太守入朝拜融為冀州牧

王莽時安定

郡名今甘肅平涼府及涇州

盧芳詐稱武帝曾孫劉文伯

起兵更始亡匈奴迎芳立為漢帝屢為邊郡患後降漢為

代王已而復反奔匈奴而死匈奴與烏桓鮮卑屢連兵侵

漢後匈奴連年饑疫人畜死亡大半烏桓乘其敝擊破之

匈奴北徙數百里漠南地空

先是西域諸國苦匈奴重斂皆願屬漢復置都護光武以

中國新定不許莎車王賢再遣使奉獻光武賜賢都護印

綬邊郡守上言夷狄不可假以大權詔奪還之更賜大將

軍印賢恨猶詐稱大都護諸國悉服屬焉賢驕橫欲兼并

西域諸國懼鄯善車師等十八國遣子入侍於漢願得漢
都護帝厚賜之還其侍子賢知都護不出擊破鄯善攻殺
龜茲王鄯善車師復附匈奴

匈奴南邊八部立日逐王比爲南單于款漢塞內附比者
單于知之子也於是匈奴分爲南北自相攻擊漢徙南單
于於西河郡名今山西汾州府西境甯武府偏美稷縣名
關縣陝西榆林府東境及北邊外爾多斯左翼中旗東南置使匈奴中郎將將兵擁護之
北匈奴亦遣使求和親漢卻之及再來許之南單于比卒
弟莫立帝遣使授璽綬賜以衣冠繒綵後以爲常

第三章 光武諸政

光武年二十八始起兵三十一爲帝四十二歲悉平羣雄
六十二歲崩在位三十三年帝雖以征伐濟大業及國旣
定乃退武臣而進文吏明慎政體總攬權綱量時度力舉
無過事故能恢復前烈身致太平嘗幸南陽會宗室置酒
作樂諸母相與語曰文叔少時謹信與人不款曲惟直柔
耳乃能如此文叔帝字也帝聞之笑曰吾治天下亦欲以
柔道行之

帝在兵閒久厭武事蜀平後非警急未嘗言軍旅北匈奴
衰困臧宮馬武上書請攻滅之鳴劍抵掌馳志於伊吾日
伊吾廬匈奴之地今之北帝報書告以黃石公記曰柔能
甘肅鎮西府哈密廳

勝剛弱能勝強自是諸將莫敢言兵閉玉門關漢之西關在甘肅安

西州敦煌縣西謝絕西域保全功臣不令以吏職為過收其兵權

皆以列侯就第故諸將皆以功名自終祭遵先死帝哀念

不已來歙岑彭死鋒鏑卹之甚厚吳漢賈復終於帝世漢

質厚少文而有智略帝在河北鄧禹屢薦漢帝漸親重之

漢在軍或戰不利意氣自若帝歎曰吳公差強人意隱如

一敵國每出師朝受詔夕則就道及卒帝臨問所欲言漢

曰臣愚無所知惟願陛下慎無赦而已賈復從征伐未嘗

喪敗帝曰賈督有折衝千里之威嘗戰被重傷帝驚曰我

不令復別將為其輕敵也果然失吾名將聞其婦有孕生

子邪我女嫁之生女邪我子娶之其撫羣臣如此

惟馬援死之日恩意頗不終焉援嘗曰大丈夫當以馬革

裹屍安能死兒女子手交趾女子徵則徵貳作亂諸蠻應

之馬援以伏波將軍討平之植銅柱於日南表漢界而還

武陵郡名今湖南西境及貴州東境蠻叛援又請行帝愍其老披甲上

馬據鞍顧盼以示可用帝笑曰矍鑠哉是翁乃遣之軍至

壺頭山名在湖南辰州府城東北不利援中暑卒帝堦梁松恨援構陷

之收新息縣名屬汝南郡今河南光州息縣侯印綬援前在交趾常餌薏

苡能勝瘴氣軍還載之一車後有追譖之者以為明珠文

犀帝益怒得朱勃上書訟其冤乃稍解帝於賊無所貸大

司徒歐陽歙嘗犯賊歙所授尙書弟子千餘人守闕求哀竟不免死於獄中

帝所用羣臣如宋弘等皆重厚正直帝姊湖陽

縣名屬南陽郡故城

在河南南陽府唐縣南

公主嘗寡居意在弘弘入見主在屏後帝曰

諺言富易交貴易妻人情乎弘曰貧賤之交不可忘糟糠之妻不下堂帝顧主曰事不諧矣主有蒼頭殺人匿主家吏不能得洛陽令董宣候主出行奴驂乘叱下車格殺之主入訴帝怒召宣欲捶殺之宣曰縱奴殺人何以治天下臣不須捶請得自殺卽以頭叩楹流血被面帝令小黃門持之使叩頭謝主宣兩手據地終不肯俯帝勅曰強項令

出賜錢三十萬

前漢末讖緯之學起附會天文麻數以豫言後事王莽甚尙之時人希旨爭作讖文上之號爲符命以助莽之逆光武亦惑其說用人行政多以符命決疑晚年封泰山禪梁陰謂梁父山之陰亦由感讖也因下詔宣布讖書於國中儒臣桓譚嘗極言讖之非經帝大怒以爲非聖無法至欲斬之自是讖書大重於世與儒書相爲經緯名儒如馬融鄭玄皆采其說

王莽時名德之士多隱遯不食其祿光武初立訪求耆儒卓茂擢爲太傅封褒德侯又徵處士周黨嚴光黨入見伏

而不謁博士奏詆之帝曰自古明王聖主必有不賓之士
賜帛罷之光嘗與帝同學帝物色得之累徵乃至拜諫議
大夫不肯受去耕釣於富春山一名嚴陵山在浙江
嚴州府桐廬縣西中東
漢多清節士自此始

光武素好儒學諸功臣亦皆讀書有儒者氣象既平中原
首起太學稽式古典修明禮樂遂起明堂靈臺辟雍每旦
視朝日昃乃罷引公卿郎將講論儒書夜分乃寐太子莊
承閒諫曰陛下有禹湯之明而失黃老養性之道帝曰我
自樂此不為疲也

第四章 孝明孝章之治

光武帝崩太子莊嗣立是為顯宗孝明帝明帝亦好儒太
子王侯及羣臣子弟皆授儒經用弟東平今山東泰安
府東平州獻
王議定南北郊冠冕車服制度及光武廟樂舞親臨辟雍
行大射養老之禮禮畢引諸儒升堂執經問難冠帶縉紳
之人圍橋門而觀聽者億萬計又命工圖中興功臣於南
宮雲臺鄧禹為首吳漢賈復耿弇寇恂岑彭馮異朱祐祭
遵等次之凡三十二人唯馬援以皇后之父不與焉
帝聞西域有神其名曰佛遣使之印度求其道得佛經及
二僧以來其書大抵以虛無為宗貴慈悲不殺以為人死
精神不滅隨復受形生時所行善惡皆有報應故所務在

脩練精神以至為佛教祖釋迦牟尼沒於周景王二年其
教傳播徧於西域諸國至是始入中國帝為立白馬寺庶

兄楚今江蘇徐州府王英最先好之

帝遵奉光武制度無所變更后妃家不得封侯預政館陶

縣名屬魏郡今屬山東東昌府公主光武帝女為子求郎帝不許賜錢十萬曰

郎官上應列宿出宰百里苟非其人則民受其殃當時吏
得其人民樂其業遠近畏服戶口滋殖焉然性偏察好以

耳目隱發為明公卿大臣屢被詆毀近臣尚書以下至見

提曳楚王英得罪自殺窮治其黨累年坐死徙者數千人

冤濫甚眾

明帝在位十八年崩太子烜立是為肅宗孝章帝章帝繼

前朝察察之後知人厭苛切事從寬厚慎刑省徭民賴其

慶又尊師重學親詣魯祠孔子於闕里孔子所居之里在

縣城作六代黃帝唐虞夏商周之樂孝宣嘗會羣儒於石渠閣論

定五經同異章帝脩其故事詔諸儒集議於白虎觀親稱

制臨決作白虎通又欲定漢禮知諸儒拘攣眾論難一命

侍中曹褒依叔孫通舊典雜以五經識記之文撰次上之

第五章 漢威復震西北附羅馬通漢

匈奴既分南北兵勢寢衰明帝患其相交通置度遼營於

五原以阻之耿秉耿弇之姪請擊北匈奴謂宜如武帝通西域

斷匈奴右臂帝嘉其言以秉及竇固竇融之姪為都尉出屯涼

州永平十六年秉等與諸將分道北伐固追敵至蒲類海

今名巴爾庫勒海在甘肅鎮西府城西北取伊吾廬地留吏士屯田

固遣假司馬班超使西域超到鄯善其王禮之甚備會匈

奴使至忽更疏懈超會吏士三十六人曰不入虎穴不得

虎子夜奔匈奴營斬其使殺從者百餘人鄯善震怖超告

以漢威德勿復與匈奴通初于寘西域國名今回疆和闐地連破莎車

殺其王雄張南道至是超又使于寘于寘王畏其威殺匈

奴使以降龜茲王倚恃匈奴據有北道攻殺疏勒西域國名今回

疆喀什噶爾地王以其臣兜題王之十七年超至疏勒使吏劫縛

兜題因立故王兄子忠為王於是諸國皆遣子質於漢西

域復通超彪之子也兄固及妹昭皆博學善屬文超獨以

武功著

竇固耿秉出擊車師定前後兩部前部今新疆吐魯番廳地後部今鎮西府奇臺

縣及迪化州地而還漢以陳睦為都護耿恭秉之弟為戊校尉關寵

為己校尉分屯車師地十八年明帝崩是歲焉耆西域國名今回

疆哈喇沙爾地龜茲攻沒陳睦北匈奴圍耿恭關寵章帝遣兵救

之建初九年寵敗沒漢兵迎恭歸罷都護及戊己校尉官

徵還班超時疏勒于寘皆不欲超去號泣請留超乃還疏

勒擊斬其叛者超欲遂平西域上疏請兵章帝知其功可

成給兵千餘人八年拜爲將兵長史明年疏勒王忠反超更立王討忠斬之

是時北匈奴衰耗黨眾離畔南部攻其前丁零寇其後鮮卑擊其左西域侵其右不復自立乃遠引而去章和元年

章帝十三年鮮卑擊斬優留單于匈奴大亂五十八部降漢和

帝永元元年竇憲擊匈奴大破之降二十餘萬人登燕然山今名杭愛山在外蒙古賽因諾顏部界內命班固刻石勒功而還三年憲復

遣兵擊破匈奴於金微山在外蒙古界內北單于走死鮮卑徙據

其地匈奴餘種留者十餘萬落皆自號鮮卑鮮卑由此漸盛及憲誅班固坐逮死獄中固嘗著漢書未就詔妹昭踵

成之

章帝末年班超發于寘諸國兵擊莎車降之後月氏龜茲

諸國來降漢因以超爲都護居龜茲永元六年超發龜茲鄯善等八國兵擊破焉耆於是西域五十餘國至裏海之

濱悉納質內屬九年超遣掾甘英西使羅馬國其所跋涉皆前世所未至莫不備其風土傳其珍怪焉

超在西域三十年以功封定遠侯以漢中郡治之西鄉爲定遠國故城在陝西漢

中府西鄉縣南年老乞歸和帝許之以任尙代爲都護尙請教超

曰君性嚴急水清無大魚宜蕩佚簡易尙私謂人曰我以班君當有奇策今所言平平耳超到京一月而卒尙後果

失邊和如超言至安帝永初元年竟棄西域不復置都護

西域既絕於漢北匈奴復驅役諸國略有北道連寇河西

永甯元年安帝十四年邊郡守請擊之鄧太后聞班超之子勇

有父風召問計勇曰要功荒外師無後繼是示弱於遠夷

也敦煌郡名今甘肅安西州舊有營兵今宜復之又宜遣西域長史

出屯樓蘭西太后從之復敦煌營兵其後安帝以勇為西

域長史將兵五百出屯柳中車師前部之地在今吐魯番廳東勇擊逐匈

奴田車師者又擊車師後部獲其王及匈奴使者順帝永

建元年勇發諸國兵擊匈奴走之於是西域服於漢惟焉

耆未降明年漢遣張朗與勇俱攻之朗先期入焉耆受降

而還勇以後期徵下獄免勇去後漢之威令不復行於西

域矣

當漢之世羅馬統一歐邏巴南并亞非利加北土東兼小

亞細亞及敘利亞與怕提亞接界幅員民眾與漢相若漢

人傳謂其人長大平正有類中國故稱為大秦其國距漢

甚遠未嘗交通甘英之西也亦唯達於其東部耳未入歐

邏巴地也史稱英抵條支臨大海不渡而還條支者謂敘

利亞大海者謂地中海也希臘羅馬舊書云東方有大國

名設利迦美錦產焉此指漢土也西亞細亞行賈時時有

踰蔥嶺達於漢邊者羅馬富人由此得漢之錦綺甚珍之

至以黃金與之比重而相易於是設利迦之名高於西土
羅馬帝常欲通使於產錦之國而怕提亞又欲以東貨與
羅馬交市故遮遏使不得自達漢桓帝時怕提亞侵羅馬
東邊羅馬帝抹喀墾勒流安拖尼納命將東伐大敗之乃
遣使由海路聘於漢延熹九年桓帝二十年西洋紀元百六十六年詣日南
歐羅巴人通於中國始見於此而其後復絕蓋西使入漢
不得要領而還也

第七篇 後漢下

第一章 外戚擅權及宦官蠹國

前漢時外戚負勢專橫呂霍上官幾危國者數矣孝元王
后四世爲國母羣弟更持國柄竟致新莽之篡光武中興
親攬大權明帝繼之最慎任使貴戚皆遵法度莫敢自恣
明德馬后援之女也賢明好學明帝之致治頗賴后內助
然性謙謹不敢以家私干政事章帝卽位尊爲太后愈戒
飭親屬以盛滿爲戒故諸馬雖封侯而退居私第迄無禍
敗及章帝寵竇后諸竇貴盛傾馬氏再開外戚預政之端
其後皇統屢絕權歸女主外立者五帝安帝少帝懿質臨帝桓帝靈帝

朝者六后

章德竇后和熹鄧后安思閻后順烈梁后桓思竇后靈思何后

定策帷帟委事

父兄貪立孩稚以專其威於是外家權勢太盛其不肖者

輒驕恣不軌其賢者亦為眾忌所歸禍敗相踵國隨淪亡

古來外戚之禍國莫甚於漢而外戚受禍之頻亦莫如漢

者兩漢后妃之家著聞者凡四十餘氏非身遭害則家罹

禍大者夷滅小者放竄其得身家俱全者蓋不過五六也

詳見卷末附錄

章帝初立庶子慶為太子章德竇后

竇融之孫勳尚光武女泚陽公主生后

譖殺其母廢慶為清河

今直隸廣平府清河縣及山東濟甯州東境東昌府北境

王養

梁貴人子肇以為太子又忌梁貴人譖殺其父貴人以憂

死章帝在位十四年崩太子肇立年甫十歲是為孝和帝

竇后為太后臨朝太后兄憲以待中用事陰殺宗室懼誅

自求擊匈奴以贖死太后許之憲北伐有大功入為大將

軍專權驕縱父子兄弟並為卿校充滿朝廷和帝既長知

其逆謀與中常侍鄭眾定議勒兵收憲印綬迫令自殺黜

其黨與以眾為大長秋封鄴鄉侯太后以永元九年崩帝

始聞知其非太后出追尊梁貴人曰恭懷太后

和帝在位十八年崩和熹鄧后

鄧禹之孫

無子迎庶子隆即位

生百餘日是為孝殤帝后為太后臨朝明年殤帝崩太后

與兄鄧騭定策迎清河王慶之子祐以為和帝嗣年甫十

三是為孝安帝太后猶臨朝騰為大將軍

漢承秦制以閹人為中常侍然亦參用士人光武中興悉用閹人不復雜調士流明帝以後員數稍增及鄭眾立功和帝與之議政事宦官用權自此始鄧太后以女主稱制不接公卿乃任用閹人通命兩宮宦官權益重

是時諸羌侵擾西州南匈奴叛於西河與烏桓鮮卑為邊患且遭連年水旱內郡困弊永初四年鄧騰欲棄梁州并力北邊郎中虞詡以為不可曰諺稱關西出將關東出相烈士武臣多出涼州今羌胡所以不敢入據三輔者以涼州在後故也眾皆從詡議騰由是惡詡會朝歌縣名屬河內郡今河

南衛輝府淇縣賊攻殺長吏州郡不能禁乃以詡為朝歌

長故舊皆弔之詡笑曰不遇盤根錯節無以別利器此吾立功之秋也到官募壯士使入賊中誘令劫掠伏兵殺數百人又潛遣貧人能縫者傭作賊衣以綵線縫其裾有出市里者輒禽之賊駭散縣境皆平

元初二年安帝九年鄧太后聞詡有將帥之略以為武都郡名今甘

肅階州及秦州南境太守詡馳至郡郡兵不滿三千而叛羌萬餘攻圍數十日詡令軍中潛發小弩羌侮之并兵急攻於是使二十強弩共射一人發無不中羌震退詡因出城奮擊破之乃築營壁招還流亡一郡遂安

安帝少號聰明故鄧太后立之及長多不德稍不可太后

意帝乳母王聖慮有廢置與宦者李閏江京共毀短太后

帝忿懼建光元年安帝十年太后崩宮人有誣告太后兄弟

有異謀帝怒悉黜諸鄧鄧騭不食而死以舅耿寶安帝嫡母耿貴

人之弟監羽林車騎閭皇后兄弟並為卿校江京李閏王聖

聖女伯榮等用事煽動內外競為侈虐太尉楊震屢上疏

諫之不聽震弘農人貧而好學諸儒稱為關西孔子鄧騭

嘗辟之置於幕府竟為三公耿寶閭顯皆有請託震不從

羣小譖之策收印綬震飲酖死寶為大將軍

初閭后無子安帝立庶子保為太子江京等與后讒之廢

為濟陰今山東曹州府定陶縣即前漢未定陶國王帝在位十九年崩后為太

后臨朝與兄顯等定策迎安帝從弟北鄉侯懿入即位顯

忌大將軍竇諷有司奏貶之寶自殺王聖母子徙鴈門郡名

今山西代州西境甯武府東境朔平府東南境大同府西境諸閭擅作威福是歲懿崩

中常侍孫程等夜斬江京擁立濟陰王年十一是為孝順

帝收諸閭殺之遷太后於離宮尋崩宦官封侯者十九人

後許以養子襲爵順帝既長立梁貴人為皇后后恭懷太

后姪商之女也以商為大將軍商卒其子冀代之縱暴自

恣姻族滿朝帝遣杜喬周舉張綱等八人分行州郡察吏

治得失綱埋其車輪曰豺狼當路安問狐狸遂劾奏梁氏

無君之心十五事帝知綱言直而不能用他使所劾亦多

冀及宦者親黨事皆寢邊冀恨綱欲中傷之時廣陵郡名今江

蘇揚州府及淮安府南境賊張嬰寇亂揚徐間十餘年乃以綱為廣陵

太守綱單車之職徑詣嬰壘門請相見懇諭之嬰率萬餘

人降綱入壘宴散遣其眾南州晏然綱卒於郡嬰等五百

餘人為之行喪

順帝在位十九年崩太子炳立年二歲是為孝沖帝梁后

為太后臨朝明年沖帝崩太后徵清河王蒜及樂安今山東青

州府北境王鴻之子纘至京師皆章帝玄孫也蒜為人嚴重公

卿歸心梁冀與太后共立纘年八歲是為孝質帝蒜罷歸

國質帝少而聰慧嘗因朝會目冀曰此跋扈將軍也冀深

惡之使左右進毒以崩在位一年餘冀召公卿議所立太

尉李固大鴻臚杜喬欲立清河王冀白太后策免固迎章

帝曾孫蠡吾縣名屬中山國今直隸保定府博野縣侯志即位年十五是為

孝桓帝清河王貶為侯自殺固喬下獄死

大將軍冀凶恣日積秉政十九年威行內外延熹二年桓帝

十三年桓帝與中常侍單超等謀勒兵收冀印綬冀自殺梁

氏無少長皆棄市收其財貨斥賣得三十餘萬萬錢以充

國用減本年稅租之半超等五人封侯世謂之五侯超為

車騎將軍以卒其後四侯轉驕橫置獄於北寺刑殺在其

唐什字附卷二
手兄弟姻戚宰州臨郡肆行貪虐與盜無異阿附權勢者
自宮或富子以圖榮達帝又好淫侈采女五六千人侍使
倍之耗費莫有紀極當時名臣如黃瓊楊秉相繼升三公
國民屬望然皆制於閹寺不能一振朝綱而沒

第二章 東漢多清名之士

安帝時汝南郡名今河南汝甯府及陳州府南境光州北境太守王龔好才愛士

以袁閔爲功曹引進黃憲陳蕃等黃憲年十四時潁川荀
淑遇於客舍竦然異之曰子吾之師表也見袁閔曰子國
有顏子閔曰見吾叔度耶叔度憲字也陳蕃周舉相謂曰
時月之間不見黃生則鄙吝之萌復存乎心矣太原郭泰

亦深服其器憲不就官而卒王龔後爲三公以病免

荀淑少博學有高行當世名賢李固李膺皆師宗之爲朗

陵侯國屬汝南郡今河南汝甯府確山縣相泣事明治稱爲神君八子皆有

名時人謂之八龍李膺性簡亢無所交接唯以淑及陳寔

爲師友寔嘗爲太邱縣名故城在河南歸德府永城縣西北長修德清靜吏

民追思之至靈帝末年卒海內赴弔者三萬餘人

郭泰博學善談論初遊洛陽李膺見之曰吾見士多矣其

聰識通朗高雅密博未有如郭林宗者也遂與爲友泰性

明知人好獎訓士類周遊郡國陳留郡名今河南開封府東境及衛輝府南境

茅容年四十餘耕於野申屠蟠家貧備爲漆工泰皆見而

奇之勸令從學後皆爲名士自餘因泰獎進成名者甚多
泰嘗舉有道不就曰吾夜觀乾象晝察人事天之所廢不
可支也然猶周旋京師誨誘不息豫章高士徐穉以書戒
之曰大木將顛非一繩所維何爲栖栖不遑甯處泰感其
言以爲師表

順帝時尚書令左雄管掌貢舉公直精明能審覈眞僞郡
守坐謬舉免黜者十餘人唯陳蕃李膺等三十餘人得拜
郎中桓帝時朱穆爲冀州刺史令長望風解印綬去者四
十餘人及到奏劾貪污宦者趙忠歸葬父僭用玉匣穆案
驗剖其棺出之桓帝聞大怒徵穆詣廷尉太學生劉陶等

數十人上書訟穆謂中官竊持國柄手握王爵口銜天憲
而穆獨亢然不顧身志清姦惡臣願代穆罪帝赦之陶又
上疏請以穆及李膺夾輔王室書奏不省穆後上疏請罷
中官觸帝怒憤瀕發疽死

梁冀旣誅黃瓊爲太尉辟汝南范滂滂少厲清節州里服
之爲清詔使案察冀州守令贓污者皆解印去其所舉奏
莫不厭塞眾議瓊罷楊秉爲太尉秉震之子立朝正直中
常侍侯覽兄參爲益州刺史殘暴貪婪秉奏徵之參於道
自殺閱其車重三百餘兩皆金銀錦帛秉奏請斥覽帝不
得已免覽官

秉卒陳蕃代之時李膺得罪輸作左校蕃屢言其冤以爲
司隸校尉宦官畏之鞠躬屏氣不敢出宮省是時朝廷日
亂綱紀頽弛而膺獨持風裁以聲名自高士有被其容接
者名爲登龍門云

第三章 黨錮之禍

桓帝爲侯時受學於甘陵

縣名清河國治故城在
山東東昌府清平縣南

周福及

卽位擢爲尙書時同郡房植有名鄉人謠曰天下規矩房
伯武因師獲卽周仲進二家賓客互相譏揣成隙由是甘
陵有南北部黨人之議始於此

汝南太守宗資以范滂爲功曹南陽太守成瑨以岑暉爲

功曹皆褻善糾違滂尤剛勁疾惡如讎二郡謠曰汝南太

守范孟博南陽宗資主畫諾南陽太守岑公孝弘農成瑨

但坐嘯太學諸生三萬餘人郭泰及潁川賈彪爲其冠與

李膺陳蕃王暢更相褻重學中語曰天下模楷李元禮不

畏強禦陳仲舉天下俊秀王叔茂於是中外承風競以臧

否相尙朝臣皆畏其貶議

延熹九年

桓帝二
十年

成瑨及太原太守劉瓚收捕宦官之黨

於赦後殺之皆徵下獄當棄市山陽

郡名今山東濟甯
州南境及兗州府

太守翟超以張儉爲督郵破宦官踰制冢宅東海相黃浮案

殺宦官族人犯法者宦官訴冤超浮皆得罪陳蕃爭之帝

不聽瑄瑣竟死獄中

李膺亦於赦後案殺宦官之黨宦官教人上書告膺等養
太學遊士共爲部黨誹訕朝廷疑亂風俗帝震怒下郡國
逮捕黨人案經三府陳蕃卻不肯署帝愈怒下膺等北寺
獄辭連太僕杜密及陳寔范滂之徒二百餘人使者四出
追捕蕃復極諫帝策免之朝臣震慄莫敢復爲黨人言者
賈彪曰吾不西行大禍不解乃入洛陽說皇后父竇武竇
融令上疏解之膺等獄辭又多引宦官子弟宦官懼白帝
赦黨人書名三府禁錮終身

膺等已廢錮而名聲愈高范滂南歸汝南南陽士大夫迎

之者車數千輛海內之士更相標榜爲之稱號以竇武陳
蕃劉淑爲三君君者一世所宗也李膺荀昱杜密王暢劉
祐魏朗趙典朱寓爲八俊俊者人之英也郭泰范滂尹勳
巴肅等八人爲八顧顧者能以德行引人也張儉翟超岑
暉劉表等爲八及及者能導人追宗也度尚張邈等爲八
廚廚者能以財救人也

桓帝在位二十一年崩無子竇皇后爲太后臨朝與父武
議迎章帝玄孫解瀆亭侯宏卽位年十三是爲孝靈帝靈
帝建甯元年武爲大將軍陳蕃爲太傅博徵名賢李膺杜
密尹勳等皆列於朝國民想望太平蕃與武謀將誅中常

侍曹節王甫等宦官知之夜歃血共盟擁靈帝出御前殿王甫執蕃殺之將禁兵圍武武自殺親姻悉誅遷太后於南宮徙武家屬於日南尹勳劉淑魏朗巴肅等前後皆死曹節等七人爲列侯

二年節又諷有司奏捕諸鉤黨李膺杜密范滂等百餘人下獄考死妻子徙邊凡與宦官有隙者一切指爲黨人其死徙廢禁者六七百人遂考黨人門生故吏親族在位者悉免官錮及五屬郭泰私慟曰詩云人之云亡邦國殄瘁漢室滅矣但未知瞻烏爰止於誰之屋耳泰雖好臧否而不爲危言覈論故處濁世而禍不及焉初范滂等非訐朝政自公卿以下皆屈節下之太學生爭慕其風以爲文學將興處士復用申屠蟠獨歎曰昔戰國之世處士橫議列國之王至爲擁篲先驅卒有坑儒燒書之禍乃絕跡自晦及難作唯蟠超然免於評論

第四章 漢末大亂

鉅鹿郡名今直隸順德府東南境及廣平府東北境張角奉事黃老呪符水以療病號太平道遣弟子遊四方轉相誑誘十餘年間徒眾數十萬置三十六方大方萬餘小方六七千各立渠帥靈帝中平元年即位十七年角等一時俱起皆著黃巾所在燔劫旬月之間諸州響應帝懼黨人助賊急解黨禁遣皇甫嵩等

討黃巾嵩與曹操合兵大破賊操沛人也少機警有權數
任俠放蕩不治行業汝南許劭有高名好覈論鄉黨人物
操往問曰我何如人劭不答操劫之劭曰子治世之能臣
亂世之姦雄操喜而去至是以討賊起張角病死嵩與角
弟梁及寶戰皆破斬之自黃巾之亂所在盜賊縱橫太常
劉焉建議以爲四方兵寇由刺史威輕宜改置牧伯選重
臣任之朝廷從之焉自求爲益州牧州牧之任自此重

靈帝在位二十二年崩皇子辨卽位年十四母何太后臨
朝后兄大將軍何進錄尙書事袁紹勸進誅宦官太后未
肯紹等畫策召四方猛將使引兵向京以脅太后時將軍

董卓擁兵在河東進召之未至進爲宦官所殺紹勒兵捕
諸宦者無少長皆殺之凡二千餘人卓至與帝辨語語不
可了乃與帝弟陳留王協語問亂由協年九歲答無遺失
卓欲廢立紹不可卓怒紹逃奔冀州卓遂廢帝爲弘農王
酖殺何太后立陳留王爲帝是爲孝獻帝

獻帝初平元年關東州郡起兵討董卓推袁紹爲盟主紹
司徒袁安之玄孫也袁氏四世五公家門富盛紹壯健有
威容愛士養名賓客輻湊從弟術亦以俠氣聞至是皆起
卓遷都長安殺諸富民沒入其財物驅餘民數百萬而西
燒洛陽宮廟民家發諸陵墓收其珍寶

長沙太守孫堅起兵北上與袁術合兵術據南陽以堅領豫州刺史是時關東州郡務相兼并以自強大紹術亦自相離貳二年術遣堅擊破董卓兵堅至洛陽脩塞諸陵而還紹逐冀州牧韓馥自領州事以曹操爲東郡今直隸大名府開州及東昌府南境太守術又使堅擊荊州刺史劉表表兵射殺之

董卓凶暴滋甚自爲太師車服僭擬天子宗族並列于朝

築隴於郿縣名屬右扶風今屬陝西鳳翔府積穀爲三十年儲金銀錦綺

奇玩積如邱山自云事成雄據天下不成守此以老三年司徒王允等密謀誅卓中郎將呂布膂力過人卓愛信之

常以布自衛嘗小失卓意卓手戟擲布布避得免允因結

布使爲內應卓入朝允等伏勇士於宮門刺之卓墮車大

呼呂布布曰有詔討賊臣應聲持矛刺卓出懷中詔板以

令吏士吏士皆稱萬歲百姓歌舞於道卓宗族皆爲其下

所殺卓黨在東者率軍入長安殺王允呂布走依袁術又

歸袁紹曹操據兗州自領刺史四年擊袁術破之術走據

壽春縣名九江郡治今安徽鳳陽府壽州領揚州事

涿郡今直隸順天府西南境保定府東境及易州劉備字玄德其先出於景帝

少孤貧以販履爲業有大志少語言喜怒不形於色河東

關羽涿郡張飛與備友善恩若兄弟而稠人廣坐侍立終

日隨備周旋不避艱險備嘗與公孫瓚同學因往依瓚於

北平郡名今直隸永平府西境瓚使備徇青州有功以為

平原王國名今山東濟南府西北境及武定府西境相備使羽飛分統部曲曹操

擊破徐州牧陶謙興平元年獻帝七年備往救謙謙使備屯小

沛即沛縣屬沛國今屬江蘇徐州府謙卒眾迎備領徐州時呂布取濮陽

縣名東郡治今直隸大名府開州

走歸備

初孫堅從軍於外其子策權等留家壽春策年十餘已交

結知名舒人周瑜與策同年亦英達夙成迎策居舒有無

通共及堅死策往見袁術得父餘兵東渡江轉鬪所向皆

破百姓聞孫郎至皆失魂魄及策至軍士奉令一無所犯

民大悅

第五章 曹操定中原

董卓餘黨構兵相攻關中大亂獻帝逃至安邑戰國魏都漢置縣為

河東郡治今山西解州夏縣建安元年獻帝七年遂至洛陽潁川荀彧淑之

孫也為曹操謀士說操曰昔晉文公納襄王而諸侯景從

高祖為義帝縞素而天下歸心今鑿駕旋軫東京榛蕪誠

由此時奉主上以輸大順秉公義以致英俊四方雖有逆

節何足恤哉操從之將兵入朝遷帝於許縣名屬潁川郡今河南許州

遙授袁紹以太尉操自為司空以彧為侍中尚書令呂布

據下邳縣名屬下邳國今江蘇徐州府邳州攻破劉備備走歸操操以為豫

州牧遣東屯沛二年以袁紹為大將軍督冀青幽并四州

袁術以讖言代漢者當塗高自云名字應之蓋術字公路

而術亦道也故以為當塗之義議稱尊號孫策以書諫之

術不聽遂稱帝遣將攻呂布布擊破之三年布復攻劉備

備敗走復歸操操擊布圍下邳引沂泗灌之布困迫而降

操殺之備從操還許操重禮之袁術淫侈滋甚資實空盡

不能自立四年自燒宮室欲奔青州操遣備邀之術走還

歐血死

袁紹連攻公孫瓚進圍易縣名屬河間國今直隸保定府雄縣獲瓚斬之紹

戰勝心益驕簡精兵十萬騎萬匹欲以攻許沮授諫曰曹

操奉天子以令天下今舉師南向於義則違竊為公懼之

紹不聽操分兵守官渡城名在開封府中牟縣東北與紹相拒

車騎將軍董承稱受密詔與劉備謀誅曹操操一日從容

謂備曰今天下英雄唯使君與操耳袁紹之徒不足數也

備方食驚失匕箸值大雷詭曰聖人云迅雷風烈必變良

有以也會操遣備邀袁術備因取徐州五年董承等謀洩

被殺操擊備破之禽關羽備奔袁紹紹遣顏良攻白馬縣名

屬東郡今衛輝府滑縣操使張遼關羽擊之羽望見良麾蓋策馬刺

良於萬眾之中斬其首而還遂解白馬之圍初操察羽無

留意使遼以其情問之羽歎曰吾極知曹公待我厚然吾受劉將軍恩誓以共死不可背之要當立效以報曹公乃去耳操義之及羽殺良重加賞賜羽盡封其所賜拜書告辭而奔備於袁軍左右欲追之操曰彼各為其主勿追也孫策既定江東欲襲許迎漢帝密治兵未發策出獵為怨家所射創甚呼弟權佩以印綬謂曰決機於兩陳之間與天下爭權卿不如我舉賢任能各盡其心以保江東我不如卿遂卒權代領其眾

袁紹攻曹操於官渡操襲破其輜重袁軍大潰劉備以紹兵在汝南六年操擊之備奔荊州歸劉表紹慙敗軍發病

嘔血死二子譚尙爭國相攻九年操乘釁攻取鄴

今河南彰德府臨漳縣自領冀州收治鄴譚敗死尙奔烏桓十二年

操擊烏桓破之胡漢降者二十餘萬烏桓遂衰尙奔遼東遼東太守公孫康斬尙首送之於是北帶諸州皆從操之威令

第六章 漢土三分

瑯琊郡名今山東青州府諸城縣及沂州府東境諸葛亮寓居襄陽縣名屬南郡今湖北

襄陽府治隆中山名在襄陽府城西北每自比管仲樂毅襄陽龐德公素

有重名亮每至其家獨拜床下德公從子統少樸鈍德公重之嘗謂亮為臥龍統為鳳雛劉備訪士於司馬徽徽曰

儒生俗士豈識時務識時務者在俊傑此間自有伏龍鳳
雛諸葛孔明龐士元也徐庶亦言孔明臥龍也將軍願見
之則宜枉駕顧之備三詣其廬乃得見亮問策亮曰曹操
擁百萬之眾挾天子令諸侯此誠不可與爭鋒孫權據有
江東國險而民附此可與為援而不可圖也荆州用武之
國益州險塞沃野千里若跨有荆益保其巖阻撫和戎越
結好孫權內修政治外觀時變則霸業可成漢室可興矣
備曰善於是與亮情好日密關羽張飛不悅備解之曰孤
之有孔明猶魚之有水也

建安十三年獻帝十曹操為漢丞相仍居鄴南擊劉表表

卒其子琮舉荆州降操劉備奔江陵縣名南郡治今湖北

都操將精騎急追之及於當陽縣名屬南郡今之長坂在

屬湖北安陸府東北備與數十騎走張飛拒後據水斷橋瞋目橫矛呼曰

身是張翼德也可來共決死操兵無敢近者備至夏口浦名

在湖北武昌府城西

操進軍江陵將順江東下諸葛亮往見孫權說以協力破

操權大悅時操遺權書曰今治水軍八十萬眾與將軍會

獵於吳權以示羣下羣下失色皆欲迎操魯肅獨以為不

可勸權召周瑜瑜至曰請得精兵數萬進住夏口保為將

軍破之權拔刀斫前奏案曰諸將吏敢言當迎操者與此

案同乃使瑜督三萬人與備并力逆操進遇於赤壁山名在武

昌府嘉魚縣東北下操軍次江北瑜部將黃蓋曰操軍方連船艦

首尾相接可燒而走也乃取蒙衝鬪艦十艘載燥荻枯柴

灌油其中裹以帷幕上建旌旗豫備走舸繫於其尾先以

書遺操詐云欲降時東南風急蓋以十艘最著前中江舉

帆餘船以次俱進操軍士皆指言蓋降去北軍二里餘同

時發火火烈風猛船往如箭燒盡北船煙燄漲天人馬燒

溺死者甚眾瑜等率輕銳雷鼓大進北軍大壞操狼狽走

還後屢加兵於吳不得志歎曰生子當如孫仲謀如劉景

升兒子豚犬耳仲謀權字景升表字也

劉備徇下荊州江南四郡武陵長沙桂陽零陵今湖南省及貴州東境建安十

五年周瑜上疏於權曰劉備以梟雄之姿而有關羽張飛

熊虎之將聚此三人俱在疆場恐蛟龍得雲雨終非池中

物也宜徒備置吳權不從瑜方議圖北方會病卒魯肅代

領其兵肅勸權以荊州江北今湖北荊州宜昌二府北境及安陸府地借備與

共拒曹操

備以龐統守耒陽縣名屬桂陽郡今屬湖南衡州府令不治魯肅遺備書

曰士元非百里才也使處治中別駕之任始當展其驥足

耳備用統親待亞於諸葛亮是時劉焉之子璋據益州民

殷國富統勸備取之十六年備留關羽守荊州自引兵泝

流自巴入蜀據涪城

涪縣屬廣漢郡今四川涪州

十八年襲劉璋龐統

中矢卒備遂入成都自領益州牧孫權使人從備求荊州

諸郡備不與遂爭之二十年備求和分荊州以湘水爲界

權使魯肅屯陸口

陸水之口在武昌府嘉魚縣西南

權將呂蒙初不學權

勸蒙讀書魯肅後與蒙論議大驚曰卿非復吳下阿蒙蒙

曰士別三日卽更刮目相待及肅卒蒙代之

初荀彧佐曹操推賢進士決機發策以能削平羣雄及操

黨議九錫彧獨非之操不悅彧飲藥而死操遂爲魏公加

九錫爲篡位之地二十一年進爵爲王用天子車服出入

警蹕二十四年劉備擊破魏軍取漢中自立爲漢中王關

羽自江陵出攻樊城

在襄陽府城北漢江之右

取襄陽自許以南往往

遙應羽威震中原魏王操議徙許都以避其銳司馬懿曰

劉備孫權外親內疏關羽得志權必不願也可遣人勸權

躡其後許割江南以封之操從之呂蒙亦勸權圖羽襲取

江陵魏軍救樊羽撤圍走還吳兵獲羽斬之操表權領荆

州牧權上書稱臣於魏

關東諸將本以討董卓起已而各圖自立互相攻鬪終皆

爲曹操所并唯孫劉二氏猶存漢土分爲三國是時承東

漢尚氣節之餘風人才甚盛三國之主各能用人操則以

權術相馭策權則以意氣相感備則以誠待人眾士仰慕

惟備有地最晚人才已為魏吳收盡故得人較少然諸葛亮才器絕世備獨得之由是能與二國並立成鼎足之勢建安二十五年魏文帝黃初元年魏武王操卒子丕嗣立為丞相冀州牧魏王魏羣臣言魏當代漢見於圖緯魏王乃使獻帝禪位於己奉為山陽縣名屬河內郡今河南懷慶府修武縣公獻帝在位三十一年禪位後十四年卒漢自世祖興復至是十三世光武帝明帝章帝和帝殤帝安帝少帝懿順帝冲帝質帝桓帝靈帝獻帝百九十六年通前後漢凡二十六帝合王莽劉玄之世歷年四百二十有二

第八篇 三國

第一章 諸葛相蜀漢附孫權稱帝

魏王曹丕受禪於漢即帝位是為高祖文帝改元黃初追尊父武王曰太祖武帝都洛陽黃初二年漢昭烈帝章武元年蜀中訛傳漢帝已遇害於是漢中王劉備發喪制服諡曰孝愍帝羣臣競言符瑞勸王稱帝號是為漢昭烈帝改元章武都成都以諸葛亮為丞相史謂之蜀漢以別於全漢漢帝恥關羽之沒自將擊孫權羣臣諫不聽權求和不許權使陸遜督諸軍拒守遣使降魏魏封為吳王三年漢二年吳王孫權黃武元年漢帝自巫峽道名在四川夔州府巫山縣東連營至夷陵縣名屬南

郡今湖北界與吳相拒累月陸遜攻破其四十餘營漢軍
宜昌府治崩潰帝夜遁入白帝城在夔州府城東魏帝遣使責吳任子不至
怒擊之吳王改元黃武臨江拒守遣使聘於漢漢吳復通
四年漢三年漢帝病篤謂丞相亮曰君才十倍曹丕必能安
國終定大事嗣子可輔輔之如其不才君可自取亮涕泣
曰臣敢不竭股肱之力效忠貞之節繼之以死帝又勅太
子禪曰勿以惡小而為之勿以善小而不為惟賢惟德可
以服人汝父德薄不足效也汝與丞相從事事之如父帝
崩禪即位改元建興政事咸決於亮乃約官職脩法制教
羣下參署違覆勿遠小嫌亮遣使修好於吳吳遂絕魏專

與漢和

五年漢帝禪建興二年魏帝自率舟師擊吳吳列艦於江江水盛

長帝臨望歎曰我雖有武騎千羣無所施也乃旋師明年
又以大軍臨江見波濤洶湧歎曰嗟乎固天所以限南北
也不戰而還

南夷諸蠻居雲南者叛漢丞相亮討平之有孟獲者素為夷漢所

服亮生得之使觀營陳縱使更戰七縱七禽猶遣獲獲不
去曰公天威也自是終亮之世夷不復反

魏文帝在位七年崩太子叡立是為烈祖明帝將軍曹真
太祖陳羣陳寔之子司馬懿受遺詔輔政明帝大和元年漢五年

漢丞相亮率諸軍出屯漢中以圖魏臨發上表陳出師之

由告漢帝以政治之要旨意懇切世謂之出師表二年漢

年漢軍攻祁山在甘肅鞏昌府西和縣西北戎陳整齊號令明肅初魏

以昭烈既死數歲寂然無聞略無所備猝聞亮出朝野恐

懼天水郡名今甘肅鞏昌府東境及秦州北境南安郡名今鞏昌府中部安定郡名今甘肅涇

涼府州及平皆叛應亮關中響震魏帝遣張郃拒之亮以馬謖

為先鋒戰於街亭謖違亮節度郃大破之亮乃還漢中已

而復上表有曰漢賊不兩立王業不偏安坐而待亡孰與

伐之臣鞠躬盡力死而後已至於成敗利鈍非臣之明所

能逆觀也引兵出散關在陝西鳳翔府寶雞縣西南圍陳倉縣名屬扶風郡今寶

雞糧盡而還

三年漢七年吳大帝黃龍元年吳王孫權稱帝於武昌縣名武昌郡治今屬湖北武昌

府是為太祖大帝追尊父堅曰武烈帝兄策曰長沙郡名今湖

南長沙岳桓王初大帝城秣陵縣名丹陽郡治以為治所改號建

業後徙武昌至是遷都建業其後建業為東南大都東晉

南朝及明初皆都焉今為江甯府治江南總督所駐也

五年漢九年吳三年漢丞相亮擊魏圍祁山魏帝命大將軍司馬

懿督諸軍禦之懿不肯戰賈詡曰公畏蜀如虎奈天下笑

何懿病之進戰大敗亮以糧盡退軍懿使張郃追之郃中

伏弩而死亮還漢中勸農講武作木牛流馬運米集斜谷

口在陝西漢中府褒城縣北治邸閣息民休士三年而後用之

魏青龍二年明帝八年漢十二年亮悉眾十萬由斜谷出遣

使約吳同時大舉亮至郿軍五丈原在鳳翔府郿縣西南司馬懿引

軍拒守亮以前者屢出皆運糧不繼使己志不伸乃分兵

屯田耕者雜於渭濱居民之間而百姓安堵軍無私焉吳

帝發大軍由三道入魏魏帝勅懿堅壁莫戰自將擊卻吳

軍

懿與亮相守百餘日亮屢挑戰懿不出亮乃遺巾幘婦人

之服亮使者至懿軍懿問其寢食及事煩簡使者曰諸葛

公夙興夜寐罰二十以上皆親覽所噉食不至數升懿告

人曰食少事煩其能久乎未幾亮病卒長史楊儀整軍還

百姓奔告懿懿追之姜維令儀反旗鳴鼓若將向懿懿斂

軍退百姓爲之諺曰死諸葛走生仲達仲達者懿字也懿

聞之笑曰吾能料生不能料死故也亮嘗推演兵法作八

陣圖至是懿案行其營壘歎曰天下奇才也

亮爲政開誠心布公道循名責實信賞必罰邦內咸畏而

愛之刑政雖峻而無怨者馬謖素爲亮所任及敗軍流涕

斬之而卹其後廖立李平皆爲亮所廢及聞亮喪立垂泣

二兄瑾誕瑾爲吳名臣官至大將軍誕仕魏爲鎮南將軍

第二章 司馬氏世秉魏政

附吳之繼統及廢立魏人放達成俗

漢末董卓以公孫度為遼東太守度到官東伐高句麗

鮮朝

古時三國之一據今朝西擊烏桓自稱平州牧傳子康以

至孫淵屢與吳通魏明帝遣將擊之無功吳大帝遣使拜

淵為燕王淵知吳遠難恃斬其使者獻首於魏魏封淵為

樂浪公已而叛魏自立為燕王景初二年

明帝十二年漢延熙元年吳赤

烏元明年遣太尉司馬懿擊淵圍襄平

縣名遼東郡治今盛京奉天府遼陽

州克之淵突圍走懿擊斬之遼東帶方

今朝鮮黃海樂浪

今朝鮮平安道西南境玄菟四郡皆平

明帝沈毅明敏將相咸服其大略然性好奢靡耽於內寵

宮女數千人婦官秩石擬百官之數屢起土功既作許昌

宮

在河南許州東北魏改許曰許昌

又治洛陽宮徙長安鐘鐻橐駝銅人

承露盤於洛陽盤折聲聞數里銅人重不可致乃大發銅

鑄銅人二龍鳳各一工役無輟農桑失業又起土山於芳

林園使公卿羣僚皆負土諫者皆不納

帝寢疾召太尉懿入朝以曹爽為大將軍與懿受遺詔輔

政爽真之子也帝在位十三年崩子芳立年八歲爽白芳

以懿為太傅自以其諸弟為將軍侍從出入禁闈芳之正

始五年

漢七年吳七年

爽大舉入漢中漢大將軍費禕督諸軍邀

之魏軍退走失亡甚眾關中為之虛耗

爽擅朝政多樹親黨驕奢無度太傅懿稱疾不與政事嘉
平元年帝芳十年漢爽與諸弟從帝芳出外懿與其子師
昭謀以皇太后令閉諸門勒兵據武庫奏免爽等官以侯
就第尋誣其謀逆并其黨與皆夷三族懿為丞相後二年
卒師為大將軍

吳大帝以子和為太子又愛和弟魯王霸禮秩與和無殊
霸黨共譖太子帝惑焉丞相陸遜屢諫之帝不聽遜憤恚
而卒帝既惡太子又患魯王結朋黨遂廢太子賜魯王死
立少子亮為太子帝有疾令大將軍諸葛恪總統國事恪
瑾之子也嘉平四年漢十五年吳帝大帝崩太子亮立恪

為太傅恪築兩城於東興隄名在安徽廬州府巢縣東南魏人來爭恪擊

走之遂有輕敵之心明年發大軍擊魏敗還復嚴兵欲向
青徐侍中孫峻因眾怨構恪於吳帝伏兵殺之羣臣表峻
為丞相大將軍峻驕暴國人側目

魏太常夏侯玄有重名以曹爽親故不得在勢任居常快
快中書令李豐與之親善魏帝芳屢召豐語司馬師知其
議已殺之收玄等皆族之帝意不平左右勸勒兵黜師帝
懼不敢發師廢帝迎明帝姪高貴鄉公髦立之帝芳在位
十五年廢為齊王及晉篡魏降為邵陵公以卒

魏帝髦正元二年漢十八年吳揚州都督毋邱儉刺史文

欽起兵討司馬師擊敗之以諸葛誕都督揚州是歲師

卒弟昭爲大將軍已而加號大都督假黃鉞甘露二年帝

四年漢二十年諸葛誕亦據州舉兵昭奉魏帝擊之時吳

孫峻已卒從弟綝輔政發兵救誕敗還三年漢景耀元年

吳太平二年元昭拔壽春斬誕

吳孫綝恃勢倨傲帝亮親政多所難問綝懼稱疾不朝亮

陰謀誅之綝以兵圍宮廢亮爲會稽王迎亮兄瑯琊王休

立之是爲景帝綝爲丞相又無禮於新君遂被誅

魏帝髦在位六年自見威權日去不勝其忿謂侍臣曰司

馬昭之心路人所知也吾不能坐受廢辱幸殿中宿衛蒼

頭官僮鼓譟而出討昭昭之黨賈充入與帝戰成濟抽戈

刺帝殞於車下昭以太后令罪狀帝追廢爲庶人迎立文

帝姪常道鄉公璜更名奐是爲元帝

初何晏何進之孫有才名好老莊之書謂六經爲聖人糟粕與

夏侯玄王弼之徒競爲清談士大夫爭慕效之遂成風流

明帝惡其浮華抑而不用曹爽輔政引晏爲腹心遂與爽

被殺其後有嵇康者文辭壯麗好言老莊與阮籍籍兄子

咸山濤向秀王戎劉伶相友號竹林七賢皆崇虛無蔑禮

法縱酒昏酣遺落世事時人以爲賢謂之放達鍾會方有

寵於司馬昭聞康名而造之康箕踞而鍛不爲之禮會深

銜之譖康嘗欲助毋邱儉且言康等有盛名而放蕩亂教宜因此除之昭遂殺康

第三章 司馬氏滅蜀吳

漢姜維負其才武每欲大舉擊魏費禕不從曰丞相猶不能定中夏況吾等乎不如保國治民謹守社稷及禕死維

當國出兵北伐司馬昭患之元帝景元四年漢炎興元年吳永安六年

遣鄧艾鍾會擊蜀會入漢中維退守劍閣道名在四川保甯府劍州東北

會攻之不能克艾自狄道縣名屬隴西郡今甘肅蘭州府狄道州進至陰平

郡名今甘肅階州文縣及四川龍安府北境行無入之地數千里鑿山通道造

作橋閣山高谷深艾以氈自裹推轉而下將士皆攀木緣

崖魚貫而進達於江油漢置成處屬陰平郡今龍安府江油縣以書誘漢將

諸葛瞻瞻亮之子也斬其使列陳縣竹縣名屬廣漢郡今四川綿州德陽縣

以待艾大破之瞻與其子尚皆死之

漢人不意魏兵猝至不為城守乃遣使奉璽綬請降勅維

降會皇子北地王譙怒曰若理窮力屈便當父子君臣背

城一戰同死社稷以見先帝可也奈何降乎哭於昭烈之

廟殺妻子而自殺艾至成都帝禪面縛輿櫬降蜀漢二帝

昭烈及禪四十二年而亡艾矜功專制會嫉之內有異志維勸

之反會密奏艾有反狀魏詔以檻車徵艾會遂反將士襲

殺會及維艾亦為監軍衛瓘所殺魏封劉禪為安樂公

初魏帝芳加司馬懿九錫辭不受帝髦又以昭爲相國封

晉公加九錫昭九辭之元帝又累其命昭三辭然後受之

已而進爵爲王咸熙元年元帝六年晉武帝泰始元年吳帝皓甘露元年王卒子

炎嗣使元帝禪位於己帝在位五年降爲陳留王魏凡五

帝文帝明帝廢帝芳廢帝髦元帝四十六年而亡炎稱皇帝是爲晉世祖

武帝追尊懿曰宣帝師曰景帝昭曰文帝後定廟號宣爲

高祖景爲世宗文爲太祖

吳景帝以魏咸熙元年崩故太子和之子烏程侯皓立皓

驕暴好酒色刑罰放濫奢侈無度晉使羊祜鎮襄陽吳陸

抗都督諸軍與祜對境使命常通抗遺祜酒祜飲之不疑

抗疾祜與之成藥抗卽服之曰豈有酖人羊叔子哉祜務

布德信以懷吳人每交兵刻日方戰不掩襲抗亦告其邊

戍曰彼專爲德我專爲暴是不戰而自服也各保分界而

已無求細利抗遜之子也吳帝不修德政而欲兼并屢侵

盜晉邊抗諫不聽抗卒祜上疏請伐吳議者多不同唯杜

預張華贊之祜病求入朝面陳其計晉帝欲使祜臥護諸

軍祜曰取吳不必臣行但旣平之後當勞聖慮耳祜疾篤

舉杜預自代而卒

吳帝淫虐日甚上下離心晉益州刺史王濬請速征之杜

預亦促之晉帝乃決意大舉六道擊吳預出江陵濬下巴

蜀太康元年

武帝十六年
吳天紀四年

諸軍並進所向皆克濬等平上

流諸郡預指授羣帥方略徑造建業濬戎卒八萬方舟百

里鼓譟入石頭城

在江甯府城西

吳帝皓面縛輿櫬降晉賜爵歸

命侯吳稱帝四世

大帝廢帝亮
景帝及皓

凡五十二年而亡晉代魏

十有六年而并江南自漢末中國分裂至是八十餘年始

復一統

第九篇 制度略

第一章 官制沿革

虞舜九官已見前卷夏商官制莫考其詳周時制度大備有太師太傅太保號三公以論道經邦變理陰陽為職而不與吏事官不必備以待有德又有少師少傅少保以貳於公冢宰宗伯司徒司馬司寇司空謂之六卿又并三少稱九卿冢宰一稱太宰總庶政實首相之任也宗伯掌祭祀禮樂及宗屬之事猶虞之秩宗兼典樂也司徒掌教民如虞之舊司馬掌兵馬之政虞無此官蓋古者有事公卿羣后皆為將帥故不別設武官也司寇掌刑獄職與虞之

士同司空掌土且治百工猶虞之司空兼其工也中葉以降公卿秉政者概稱卿士蓋首相之任而員不必限一人也

春秋列國之官大抵擬周之制而省其員晉以三軍將佐稱六卿而元帥當首相之任太師太傅之屬皆從其令楚設令尹司馬分掌文武之政百官皆與周及列國異名至戰國時文武重臣概稱將相將相位望高者有相國大將軍之號

秦設丞相官以總庶政或進位爲相國御史大夫貳之其掌兵者曰太尉職如周司馬而任較重諸卿則有奉常掌祭祀禮樂郎中令掌宮殿掖門衛尉掌門衛屯兵太僕掌輿馬廷尉掌刑獄典客掌賓客宗正掌宗屬治粟內史掌錢穀以供國用少府掌山澤之稅以供帝室費

漢承秦制設丞相御史大夫謂之二府或稱爲三公太尉尊與丞相等或置或省武帝罷太尉置大司馬以冠將軍之號大司馬大將軍位在丞相上成帝改御史大夫爲大司空與丞相大司馬備三公官俱稱宰相哀帝改丞相爲大司徒於是周六卿之三爲漢三公而無掌教掌兵掌土之別平帝於三公之上置太師太傅太保此出於王莽之意也莽篡位以太師太傅國師國將爲四輔位上公而三

公如舊光武帝置太傅亦位上公以授耆德無常職改大司馬爲太尉與司徒司空爲三公又稱三司

漢初更名奉常爲太常武帝改郎中令爲光祿勳典客爲大鴻臚治粟內史爲大司農與衛尉太僕廷尉宗正少府稱九寺大卿東漢以三司分部九卿太常光祿勳衛尉屬太尉太僕廷尉大鴻臚屬司徒宗正大司農少府屬司空九卿之稱魏晉皆因之而無分屬之事

秦時少府遣吏四人在殿中主法書謂之尚書令僕射爲之長漢因之武帝用宦者充其職改曰中書謁者霍光以大司馬大將軍領尚書事自是尚書事爲樞機之任元帝時宦者弘恭石顯相繼爲中書令權寵陵厲公卿成帝罷中書宦官復用士人爲尚書掌圖書祕記章奏之事及光武躬親吏事眾務轉歸尚書出納王命敷陳萬機三公唯受成事而已然品秩甚卑猶爲少府之屬吏

東漢諸帝多幼年嗣位於是老臣以太傅錄尚書事與三公稱四府其人死則省之霍光以後外戚輔政者往往爲大將軍與太尉別爲一官位在三公下而權出其上和帝初竇憲以大將軍輔政公卿希旨奏憲位在太傅下三公上嗣後梁商梁冀皆因之終漢之世大將軍常爲貴戚之官而太傅亦權不甚重迨曹操柄國復漢初制罷三公官

專設丞相御史大夫自爲丞相而大權悉歸於己矣
魏文帝代漢復設太傅及三司然不常置且皆不與朝政
又有大司馬及大將軍各爲一官位在三司上別置中書
監令並掌機密號爲專任而尚書之權稍減其後帝芳置
丞相元帝置相國特以處司馬氏也晉初置太宰太傅太
保稱上公此依周三公而避景帝諱師以太宰之名代太
師非周冢宰之任也上公位尊居者甚寡又有大司馬大
將軍太尉司徒司空并上公爲八公而以中書執政如魏
之初

周制王宮有宮正宮伯等官皆用士人以典宿衛闈人寺
人僅供使令戰國時始有宦者令秦時始尊宦者爲皇后
卿有謁者令丞將作衛尉等職漢改將作爲大長秋或用
中人或用士人又爲太后置衛尉少府太僕皆隨太后宮
爲官號謂之皇太后卿位在大長秋上諸職屬吏皆用闈
人漢初中常侍不過一二人東都增其員數重用宦官竟
以蠹政敗國及袁紹殲宦官之後掖庭永巷皆用士人闈
闈出入莫有禁切不久復用闈人魏文帝立法宦者官不
得過諸署令魏晉太后三卿及大長秋皆以九卿兼之

第二章 州郡牧守

周制九州視禹貢稍變以徐州合於青州以梁州合於雍

州而分青冀之北為幽并二州周末諸侯分爭以國為界
離合不常秦削平六國更劃地界設三十六郡以守治民
以尉典兵以御史監之關內百里不屬郡內史管之漢亦
置內史守尉而省監郡御史景帝以守為太守尉為都尉
都尉不徧置邊劇之郡則設之事權比太守

武帝攘胡越疆土益廣於是立州部以統諸郡以古冀州
地為冀今直隸保定府以南幽今直隸北境及盛并今山西省三州
以雍州西境為涼州今甘肅省其東北境今陝西鄜州以北屬并州改
梁州曰益州今陝西漢中興安二府湖北嶺南新設交阯
之州今兩廣及與兗今山東西境及河南青今山東東北境徐今

蘇大江以北及山東豫今河南東南境及荆今河南南陽
沂州府安徽泗州揚今江蘇江南安徽為十二州州置刺史以巡察郡國文

帝嘗遣丞相史出刺諸郡刺史之名本之又三分內史地
設京兆尹管今陝西左馮翊管今西安府北右扶風管
西安府西南謂之三輔三輔與弘農郡名今陝西商州西
境及鳳翔府謂之三輔三輔與弘農郡名今陝西商州西
境三河謂河南河東河內三郡河南今河南府東境及開
隰霍五州封府西境河東今山西平陽蒲州二府及解絳吉
慶府及衛輝府西北境不屬州部置司隸校尉督察之
此漢之畿甸也刺史任重而位卑於守相成帝以其輕重
不相準更為州牧位次九卿漢興以來以秦郡太大漸割
而加置且四邊多開新郡諸王國又析為眾小國於是郡

國益多哀平之際凡一百有三凡言郡國謂郡與王國也
列侯國小皆屬郡治故不與郡對稱也

光武都洛陽改河南太守為尹復改州牧為刺史前漢時
刺史乘傳周行無適所治中興始定治所舊制州牧奏守
相不任位者事皆先下三公三公遣掾史按驗光武用法
明察不復委三府故權歸刺史靈帝時重臣出宰州者特
稱州牧至獻帝時羣雄多自領州牧儼然如古諸侯魏晉
復為刺史任重者為使持節都督輕者為假節或加以將
軍之號郡不置都尉太守亦加將軍

三國鼎立魏有司隸涼并幽冀青兗徐豫及荆揚北境荆今

湖北北境河南南陽府及陝西興安府揚州今安徽鳳陽廬州二府及滁州六安州以漢三輔及涼
州東境今甘肅東境置雍州以涼州南境今甘肅南境置秦州凡十

三州吳有荆揚交三州交州即交趾之州也後分其北境
置廣州今兩廣但廣東廉州雷州瓊州三府仍屬交州蜀漢所有唯益州戶口最

少分其東北置梁州今陝西漢中府四川東北境及甘肅階州司馬氏滅蜀傾
魏分幽之東為平州今盛京省及朝鮮西北境分益之南為甯州今雲南省

及平吳合兩荆兩揚各為一州以司隸所部為司州凡十
九州司雍青涼并冀幽平青兗徐豫荆揚廣交涼益甯其郡國增至百七十有三

此非地大於兩漢徒以州郡分析益細也

第三章 爵封品秩附印綬之制

周設五爵以建諸侯皆有封土公卿大夫皆受地視諸侯
秦制爵二十等自徹侯至公士徹侯關內侯大庶長駟車
庶長太上造少上造右更
中更左更右庶長左庶長五大夫公乘公以賞戰功唯徹
侯有地其次關內侯雖有侯號而無封國唯受廩祿而已
其十八等自大庶長以下皆將帥軍吏也受徹侯之封者
前後僅數人亦不聞有傳世者

漢沿用秦爵然大庶長以下不常授之徹侯改稱列侯或
食縣或食鄉亭大者萬餘戶小者五六百戶皆世襲其國
得臣其吏民一歲之租戶率銅錢二百萬戶之君歲入二
百萬錢列侯之上有諸王雖以王為號其實古諸侯也故
謂之諸侯王其地大者或五六郡連城數十小者亦兼數
縣倍徙大侯號為藩國其傅曰太傅相曰丞相又有御史
大夫羣卿皆秩二千石百官皆如漢朝漢朝惟為置傅相
其御史大夫以下皆自置之至七國反後漢抑損諸侯改
丞相為相省御史大夫減羣卿諸官皆自漢置之不得自
置其後太傅亦除太字且諸大國或誅滅或分析列侯亦
廢置頻仍王侯皆失主宰之權不為吏民所尊勢與富室
無異而四方悉輻輳於京師矣

魏晉封爵有王及公侯伯子男皆開國其下有鄉侯亭侯
關內關外等侯關內侯以下皆為虛封魏諸帝疏忌骨肉

諸王國皆寄地空名其所食不過一縣刻削遷徙殊無甯日且禁防甚嚴不許出國悉錮宗室絕仕進之路故權歸大臣以至移國祚晉武帝欲矯其弊大封宗室授以職任且許其自選國中長吏藩國之強稍似漢初

周以命數辨官爵之高卑一命作士九命位極人臣漢以

祿秩定官等自中二千石至百石十有四等

中二千石二千石比二千石

石千石比千石六百石比六百石四百石比四百石三百石比三百石二百石比二百石百石

石者斛也

因一歲所賜俸米名之也丞相太傅三公大將軍驃騎車騎衛將軍在此外大抵秩倍中二千石中二千石猶云滿二千石月俸百八十斛其次二千石月俸百二十斛降至

百石月俸十六斛俸額不必與名相符且時有增減或雜給錢帛前漢以御史大夫九卿執金吾爲中二千石以太子太傅少傅詹事將作大匠大長秋典屬國三輔司隸校尉諸校尉州牧郡守王國傅相等爲二千石後漢沿之更置度遼將軍爲二千石升太子太傅河南尹三輔爲中二千石降諸校尉爲比二千石

魏晉祿秩之制不詳魏分官位之高下爲九品晉沿之以八公爲一品四征四鎮車騎驃騎衛將軍爲二品九卿光祿大夫太子保傅詹事大長秋侍中常侍尚書令僕射諸尚書中書監令祕書監司隸校尉河南尹等爲三品侍中

尚書等在漢時屬少府秩僅千石若六百石至此與九卿
比肩在漢二千石上而刺史降爲四品守相降爲五品雜
號將軍甚眾三品四品五品皆有之

上世無印章諸侯朝王執圭璧以爲信其制隨爵有等差

戰國始有佩印之事諸侯各以賜其臣秦始皇以藍田

在陝西西安府藍田縣東白玉作璽螭虎紐文曰受命於天既壽永昌

是皇帝之印也秦滅入漢號曰傳國璽歷代傳受以爲重

寶者千有餘年至後唐而亡漢以印綬分貴賤之等皇后

之印金璽螭虎紐後改爲玉璽赤綬諸侯王金璽緌綬列

侯將相金印紫綬御史大夫以下至比二千石銀印青綬

比六百石以上銅印墨綬比二百石以上銅印黃綬魏晉

印綬大抵沿漢

秦漢三國世系

秦 嬴姓伯益之後本周之諸侯後稱王六世并周室
滅六王始立皇帝之號凡三世十五年降於漢

莊襄王(太上皇楚)

秦始皇帝政

二世皇帝胡亥

王子嬰

漢

劉氏唐堯之後滅秦平楚為皇帝凡十三世二百七年為王莽所篡
漢兵滅莽光武中興是為後漢凡十三世百九十六年禪位於魏

孝惠帝盈

少帝某

太祖高皇帝邦

太宗孝文帝恆

少帝弘

孝景帝啟

世宗孝武帝徹

昌邑哀王棣

廢帝海昏侯賀

史皇孫(悼)考進

中宗孝宣帝詢

孝元帝奭

孝成帝驁

定陶恭王恭皇康

孝哀帝欣

春陵節侯買

春陵戴侯熊渠

利

子張

更始帝玄

顯宗孝明帝莊

鬱林太守外 鉅鹿都尉回 南頓令欽

孝和帝肇

孝殤帝隆

世祖光武帝秀

孝順帝保

顯宗孝明帝莊

肅宗孝章帝烜

清河孝王孝德皇慶

孝安帝祐

孝順帝保

孝順帝保

孝順帝保

孝沖帝炳

孝質帝續

濟北惠王壽 少帝懿 蠡吾侯孝崇皇翼 孝桓帝志
河間孝王孝穆皇開 解瀆亭侯孝元皇淑 解瀆亭侯孝仁皇長

孝靈帝宏 廢帝弘農王辨 孝獻帝魏山陽公協

魏 曹氏受漢禪凡五世 四十六年禪於晉

魏武王太祖武帝操 高祖文帝丕 烈祖明帝叡 廢帝齊王晉邵陵厲公芳
東海定王霖 廢帝髦

燕王宇 元帝晉陳留王奐

蜀漢 劉氏漢景帝子中山靖王勝之後凡二世四十四年降於魏

昭烈帝備 後主晉安樂思公禪

吳 孫氏凡四世五十二年降於晉

烏程侯武烈帝堅 太祖大帝權 南陽王昭獻帝和 晉歸命侯昭 廢帝會稽王亮 景帝休

諸帝在位年數及年號

秦 二帝一王 十五年

始皇 在王位二十五年 二世三年 王子嬰 不滿

漢 前漢十三帝二百七十年後漢十三帝百九十六年通前後併王莽劉玄之世二百二十二年

高帝 在王位四年 惠帝七年 少帝某四年 少帝弘四年 在帝位八年

文帝 二十三年 景帝十六年 武帝五十四年 建元元年光元 初天漢太始征 昭帝十三年 始元六年 宣帝二十五年 和各四後元二 元鳳六年 元平一年 元始元年 宣帝二十五年 始地節元康神爵五 元帝十六年 初元永光 成帝 鳳甘露各四黃龍一 建昭各五竟甯一 平帝

鴻嘉永始元延各四綏和二 哀帝六年 建平 平帝 五年 攝位三年 始建國五天鳳六地皇四

元始五年 新王莽 攝位三年 始建國五天鳳六地皇四

帝玄 王莽地皇四年立滅莽 光武帝 劉玄更始三年立

建武三十一年 明帝 永平十八年 章帝 元和三章和建初八年

和帝 十七年 永元 殤帝 延平 安帝 初七元初六

永甯 一建光 少帝 懿 不踰 順帝 十九年 永和 初七元初六

建康 一 冲帝 永嘉 一 質帝 本初 一 桓帝 建和 三 和 平

一 元嘉 二 永興 二 永 靈帝 二十二年 建甯 四 獻帝

壽三 延熹 九 永康 一 興平 二 建安 二 初平 四 魏 元 元年 即 帝 芳 之 嘉 平 六 年 而 其 二 年 實 髦 之

文帝 漢 獻 帝 建 安 二 十 五 年 黃 初 七 年 受 明 帝 十 三 年 太 和 六

廢帝 芳 十 五 年 始 九 嘉 平 六 正 廢帝 髦 六 年 實 止 一 廿 露 五 元 帝 五

止 三 咸 熙 二 蜀 漢 二 帝 四 十 三 年 後 主 五 十 年 實 止 十 四 延 熙

昭烈帝 魏 文 帝 黃 初 二 年 稱 帝 章 武 三 後 主 五 十 年 實 止 十 四 延 熙

二十 景 耀 一 吳 四 帝 五 十 二 年 廢 帝 亮 六 年 建 興 二 實 止 景 帝

大帝 魏 文 帝 黃 初 二 年 為 王 明 年 改 元 在 王 位 八 年 黃

黃龍 三 嘉 禾 六 赤 廢 帝 亮 六 年 建 興 二 實 止 景 帝

烏 十 三 太 元 二 皓 十 六 年 元 興 一 寶 景 帝 永 安 七 年 甘

六年 永 安 皓 十 六 年 元 興 一 寶 景 帝 永 安 七 年 甘

七 實 止 六 皓 十 六 年 元 興 一 寶 景 帝 永 安 七 年 甘

紀 四 天 皓 十 六 年 元 興 一 寶 景 帝 永 安 七 年 甘

兩漢后家多破滅

高祖

呂后 生惠帝及魯元公主 惠帝尊為皇太后 惠帝崩立二少帝 稱制八年 姪台及產 封呂王 姪祿 封趙王 太子通 封燕王 后崩 產為相 國祿女為少帝后 大臣誅諸呂 無少長 悉斬之 薄姬 生文帝 文帝尊為皇太后 身家俱全 但弟昭文帝后 景帝尊為太皇太后 身家俱全 時為車騎將軍 有罪 自殺

惠帝

張后 惠帝姊 魯元公主之女 庶弟偃 封魯王 諸呂滅后 及魯王皆廢 寶后 生景帝及長公主 嫖 景帝尊為皇太后 武帝尊為太皇太后 身家俱全 但子嬰 景帝時為大將軍 武帝時為丞相 後忤田蚡 棄市

文帝

景帝

薄后 薄太后之族 王后 生武帝 武帝尊為皇太后 身家俱全 異父弟田蚡 武帝時為太尉 又為丞相

武帝

陳后 景帝姊 長公主嫖 衛思后 生戾太子及二青 為大司馬 大將軍 姊子去病 為大司馬 驃騎將軍 姊夫公孫賀 為丞相 青去病已卒 巫蠱事起 賀父子死 獄中 夷其族 二公主及青子長平 侯伉坐 誅后及太子 自殺 後去病 異母弟光 為大司馬 大將軍 輔昭宣二帝 宣帝以戾太子之孫 入立 追諡后曰思后 光少女 為皇后 光卒 子禹 為大司馬 與母顯 謀反 坐而 趙婕妤 生昭帝 賜死 昭帝 誅滅者數十家 趙婕妤 追尊為皇太后

昭帝

上官后 祖父桀 為左將軍 父安 為車騎將軍 父子 帝崩 光等尊后為皇太后 后元帝尊為太皇太后

宣帝

祖母史良娣 戾太子之妾 生史皇孫 死 巫蠱 為大司馬 車騎 母王夫人 史皇孫之妻 死 巫蠱 將軍 輔元帝 王鳳 構陷之 嘔血死 恭哀許后 生元帝 霍光 姪商 成帝時為丞相 王鳳 構陷之 嘔血死 恭哀許后 夫人 顯 弒之家

全叔父延壽宣帝時延壽子嘉元帝時並

霍光之女霍氏謀反坐廢後自殺

霍后 元帝尊為皇太后 成帝尊為太皇太后

元帝 王后 生成帝成帝尊為皇太后兄鳳從弟音弟商

太后哀帝崩迎立平帝后臨朝莽號 傅昭儀 生

安漢公以女為皇后竟篡漢而敗滅 陶恭王哀帝以恭王之子入立尊為太皇太后從

弟喜及晏相繼為大司馬晏女為哀帝后哀帝崩 傅氏悉免官爵歸故郡

成帝 許后 恭哀后之族趙婕 趙后 哀帝尊為皇太后

殺之自 許后 仔譖廢之後賜死 平帝時王莽奏廢

哀帝 母丁姬 定陶恭王之妾哀帝尊為帝太后兄明為

歸故郡平帝時 王莽奏廢之自殺 傅后 王莽奏廢之

平帝 母衛姬 中山孝王之妾平帝拜為中 王后 王莽

帝崩莽尊為皇太后莽篡位降 為定安太后莽滅時自焚死

光武 郭后 生沛獻王等寵衰 家全 光烈陰后 生明帝

為皇 太后 身家俱全 而廢為沛太后

明帝 明德馬后 子養章帝章帝 身家俱全

章帝 章德竇后 子養和帝和帝立后為太后稱制四年

帝與宦官謀而誅之 宗族免官歸故郡

和帝 陰后 光烈后之從曾孫坐巫蠱廢以憂 和熹鄧

后 立和帝崩與兄驁立殤帝以太后臨朝殤帝崩迎

歷代史略卷一

夏

自殺一門七人
死遺族徙故郡

安帝

嫡母耿姬清河孝工之妻安帝尊為太貴人兄

安思閭后安帝崩后為太后臨朝以兄顯為車騎

殺顯等兄弟家屬

順帝

順烈梁后父商兄冀相繼為大將軍順帝崩冲帝

弒之迎立桓帝以妹為皇后稱制六年崩桓帝與

宦官定議發兵圍冀第冀及妻孫壽自殺梁氏孫

桓帝

皆棄市氏無少長

懿獻梁后順烈后之妹寵衰憂恚而崩 鄧后和

后之族孫以驕忌廢幽死桓思竇后 祖弟之孫

南

靈帝

母董氏解瀆亭侯萇之妻靈帝尊為孝仁皇后姪

殺后憂宋后 及兄弟並被殺靈思何后 辨兄子

怖暴崩進為大將軍進弟苗為車騎將軍靈帝崩辨立后

為太后臨朝進謀誅宦官不克死進黨殺苗董卓

獻帝

廢辨因醜殺后

伏后曹操幽殺之兄弟 獻穆曹后曹操之女獻

山陽夫人

